

Meje Po Diboro Juan Tina Xua Yabara Tsiwanaya Tsita Itutatsi Pocotsiwa Exanaena Po Cae Pin Nacuathe

Meje yabara po diwesi pocotsiwan xua Jesucristo Paxa tsita itutatsi xua pocotsiwan xuya Juan tsita itutatsi

¹ Barapo diboroje xan Juan tinan. Pocotsiwan yabara tinan xua Nacom Jesucristo tsita itutatsi. Bara pocotsiwan Jesucristo xuya pijimonaetha tsiwanaeya tsita ituta pocotsiwan xua imoxoyo bara exanaenaba. Jesucristo pia matatsunpin inta itoroba xua xan Juan xuya tatsita itutsinexa daxita baxuan xua imoxoyo bara exanaenaba. ² Daxota xan xuya xainwaichiya yabara tinan daxita xua pocotsiwa tan. Matautano tinanno xua jume tan xua Nacom paeba irano xua Jesucristo paeba.

³ Pon xua yorobina jiwitha po diwese pomonaetha pomonae Nacom pejume cowantsiwichi tatsi, bapon juntu coyene weiweina exanaeinchi xua Nacom juntu coyene weiweina exanaena. Irano pomonae jume tane barapo diwese yawano xua exanano xua pepaebixae barapo diwese, barapomonae juntu coyene weiweina exanaeinchir. Daxota barapomonae juntu coyene weiweina tsipei baxuan imoxoyo exanaenaba.

*Meje yabara xua Juan tatina pomonae pejume
cow_hntsiwi, pomonae siete po matab_hx_hmonaebe,
pomonae nacaetuta xua Nacom w_hnae
pejainchinexatsi*

⁴ Xan, Juan, pacata tinatsi pomonae painya nejume cow_hntsiwi pam pomonae siete po matab_hx_hmonaebe pam xua painya nenacaetutsi jiwi pam, xua w_hnae painya nejainchinexa Nacom. Paxam pomonae Asia nacuatha pajinompame. Paca tsipaebatsi xua Nacom anoxuae popona yawa caena bayatha popona yawa bexa ataya poponaena. Pacata w_hcatsi Nacomtha xua painya nepaca j_hnt_h coyene weiweina exanaenexa tsane. Yawa pacata w_hcatsi xua Nacom paca yawenaena pia painya nepaca caantobexae. Yawa pacata w_hcatsi Nacom pia Pejumope t_hnax_h tatsi beya xua bapon baxuan pacata exanaena tsipei Nacom pia Pejumope t_hnax_h tatsi siete po pexeinya j_hnt_h coyenebe pexeinaein. Barapo Pejumope t_hnax_h Nacom peitabaratha tauncuatsi ichaxota Nacom eca pia pexeinya peecaethopaewatha. ⁵ Yawano pacata w_hcatsi Jesucristotha xua bapon baxuan pacata exanaena. Barapon Jesucristo ataya xaniwaicha pepaebin. Bapon copiya equeicha as_h naexana. Bapon as_h canamata canaexana jiwi pet_hpae coyene weya. Yawa bapon itoroba pomonaetha pomonae itorobiya pepa peewatsiwi ichamonae po cae pin nacuathe. Cristo naca antobe daxota naca tsit_hpa naetotha wanaca j_hnt_h coyene j_hntemainaenexa abe waexanae cuiru coyenewan. ⁶ Matautano Jesucristo naca exana xua piamonae tatsichi. Yawano sacerdotemonae

naca cana exana watanacuichinexa tsainchi Nacom, pon Jesucristo Paxa tatsi. ¡Barabꝯ Nacom ataya xeinaena xua pexeinya jũntꝯ coyene xua peainya cui coyenewa! ¡Yawano barabꝯ Nacom ataya xeinaena xua pia peayapusꝯ itorobi coyenewa! Je, bara ichi tsane.

⁷ ¡Matha pataema!

Cristo patopeicaena tsaquinaebowatha.

Daxita jiwi taena bapon

xua bapon taeinchi.

Irꝯꝯ pomonae bapon cobe matatabarutatsi

naetotha bapon taeinchi.

Daxita nacuanpiwi, pomonae bapon jopa jume

cowantichi, daxita barapomonae jũntꝯ coyene

wecoyei tsane poxonae bapon taeinchi.

Je bara ichi tsane.

⁸ Nacom jeye: “Xan ponxaein apara ataya tsitecaeya tapoponaen xua poxonae aena daxita tamropata pitaban. Matautano bexano daxita coyenein wetsin tsipei ataya tsitecaeya bara tapoponaewa tsane”, jei Nacom pon jiwi Pecanamataxeinaen, pon itoroba pia peayapusꝯ itorobi coyenewatha daxita nacuanmonae jiwitha. Bapon Nacom anoxuae popona, caena bayatha popona, yawa bexa tsane ataya poponaena.

Mejeyabara poxonae Cristo pia peitꝯpanae tsita itꝯtsi coyenewatha tatsi Juan tsita itꝯtatsi

⁹ Xan Juan ponxaein be pon painya eweicho nanatsicotan Jesús pijimonaexaetsi. Icha jiwi paca ichi xua paca anthꝯthꝯrewe exana xua poxonae jopa xapain pacata exanaeyo, anoxuae bara neichi. Jiwi anthꝯthꝯrewe neexana

tsipei waxainchi Nacom piamonaetsi jiwanatsi pomonae Nacom itorobiya ewata. Tsipei Jesucristo paca yawena daxota cataunxuae pajume cowanta dubenanaebiyame Nacom, iru xandu barichin. Jiwi pecubi botha Patmos tunaetotha neeta tapaebixae Nacom Pejume Diwesi yawano Jesús pejume diwesino tapaebixae. ¹⁰ Caentaqueitha, po mataqueitha peseicae mataqueitha bichocono Nacom pia Pejumope tuxaxu tatsi nejuntu coyene yuca exana. Tuxma werena jume tan pejume xua bichocono jume daunweya ajumetsaca be poxonae icha xua oba po peobiwa pewun trompeta. ¹¹ Nejei xua netsipaeba: “Xam yabara tinare diborotha daxita xua taneme. Barapo diboro bapoxonae caitorobare pomonaetha pomonae tana nejume cowantsiwitha pomonae siete po matabuxumonaebe pomonae nacaetuta xua Nacom wuxnae pejainchinexatsi. Barapomonae jinompa Asia nacuatha. Barapo siete po matabuxumonaebe nacaetuta barompaya pia tomarantha tsiniya. Barapomonae meje: Efeso tomarapiwi, iru Esmirna tomarapiwi, iru Pérgamo tomarapiwi, iru Tiatira tomarapiwi, iru Sardis tomarapiwi, iru Filadelfia tomarapiwi, iru Laodicea tomarapiwi”, nejei Jesucristo.

¹² Bapoxonae napatomeicha necotaban tayaputaenexa pon xua netsipaeba. Poxonae necoyan bapoxonae tan siete xoyobe penainwan xua po nain pewun oro nain xua pentatutuntha itanacanoba. ¹³ Barapo siete xoyobe xua ichaxota pentatutuntha itanacanoba baxoyo pia xainya deca pon be pebin taenotan. Pon

uncua apara ponxae itaboco wetsica pona, pon Nacom itapeta. Bapon naxatata paparuwa, po paparuwa apiya deca bichocono yawa taxu jayarecatsi. Yawa naepa cūta paparuwa po paparuwa bichocono pereca yawa jūntacari jayatsinatsi yawa bichocono daedaena icha be oro nain ichi. ¹⁴ Pentanan tatsi bichocono inyapana icha be papu ichi, yawa icha be main axuto ichi. Yawano peitamaiqueitobe be isoto itareto. ¹⁵ Petaxu bichocono taxu daedaena icha be bronze nainto ichi xua bichocono nain daedaena poxonaē cataunxuae isototha nain boquiya. Pejume bichocono ajumetsa be poxonaē xua ainya menein busin. ¹⁶ Pemaxu coxa iya xeina siete po opiteitobe. Yawa pecoiboto tsina pichapeina cusi xua nantiya baru ducuabe. Peitabara bichocono daedaena icha be poxonaē xometo ichi poxonaē xua pentha xua poxonaē atsa.

¹⁷ Poxonaē bapon Jesucristo tan, imoxoyo iratha nabotaban bapon peitabaratha. Bara be tatupaeyo nabotaban. Bapoxonaē bapon pecobetha nejayaba po cobe pecoxa weya. Yawa Jesucristo nejei: “Jopa junuwinde. Xan ponxaein xua daxita taforotsin xua poxonaē aena. Yawano xan ponxaein xua tawetsin tsane daxita xua bexa tsane. ¹⁸ Xan ponxaein xua copiya bayatha tapoponaēin. Bequein bayatha tūpan ichitha equeicha anoxuae asu poponan xua ataya petsitecaenexa. Nacom necata taitorobi coyenewa xua petupaewi taitorobeibinexa petupae coyene nacua beya. ¹⁹ Daxota yabara tinare xuaunxuae pocotsiwa taneme. Yawano

yabara tinare xua aunxuae taeponaename.
²⁰ Barapo siete opiteitobe xua taneme tacobe coxa weya yabara caunutatsi xua pomonae Nacom Pejume Diwesi pepaebiwi, pomonae Nacom pejume cowantsiwichi pecanamataxeinaewichi. Yawa barapo siete xoyobe xua pentatutuntha itanacanoba xua baxoyo pia xainya deca uncua baxua yabara caunutatsi pomonae siete po tomarabe matabuxu jiwi, pomonae Nacom pejume cowantsiwichi”, jei Jesucristo pon xua uncua.

2

Meje yabara xua po diwesi Juan tatina Efeso tomarapiwi

¹ Jesucristo, pon xua uncua nejei: “Tatinare pon Nacom Pejume Diwesi pepaebin pomonaetha tana nejume cowantsiwi pomonae Efeso tomaramonae xua bapon petayorobinexa xua barapomonae petayorobinexatsi. Jande: ‘Meje xua paeba pon pecobe coxa weya tatsi siete po opiteitobe tauncuatsi xuano xua uncua siete xoyobe pia xainya deca xua ichaxota pentatutuntha itanacanoba. ² Bapon jeye: Yaputan xua painta exaname po penacuichiwa xua daunwei xua jopa pabarapentsim. Yawano paca cui yaputainchi xua paaichaxaibim xua exana pomonae peajuntucoyenebewi. Yawano bara yaputan xua jopa paca itata cui xainyei tsaibiyo poxona xua ichamonae atsaquiya paca jei: Paxan Jesús pia peitorobiwi tatsi pan, jei. Bara paxam payaputaneme xua barapomonae pemuxuitorobiwi. ³ Beta pana najuntu wunaetame. Matauta

jopa paacoyenefaetabim, bequein ichamonae bichococono abe paca exana painya inta nacuichixaem. ⁴ Ichitha paca cui yaputainchi xua cae coyene paexaname xua po coyene aichaxaibin. Anoxuae be conotha pana neantobem. Jopa be ichiyo poxonae copiya matha pana neantobem nawita. ⁵ Payabara nanta xeinare xua poxonae copiya pana nejume cowantame xua poxonae bichococono pana neantobem. Icha juntu coyene paxeinare. Painta exanare icha paichim xua poxonae matha copiya beta painta exaname. Icha jopa pana neantobem tsane, nainya patopaein, yawa pichin painyawa xua pocotsiwa ichaxota pentatutuntha paitanacanobame, xua pichin painya tomara weya. Apra xua jan, daxita painya nenacaetutsi jiwi pam pana nenepentaponae name xua pata tana nejume cowantsiwam xua daxota jopa pana nejume cowantsim tsane jan. ⁶ Daichitha cae coyenewa ichichipan xua paexaname. Juntu coyene weiweinan tsipei pananta xeiname icha ichin xua pocotsiwa nanta xeinan. Paxam paaichaxaibim pocotsiwa nicolaitamonae xua exana, pomonae bichococono abe peexanaewi. Xan iruru aichaxaibin xua pocotsiwa exana barapomonae. ⁷ Paxam pomonae painya nejume cowantsi jiwi pam. Icha pamuxu dubename, pajume naitaeware xua pocotsiwa Nacom pia Pejumope tuxaxa tatsi paca tsipaeba. Bapon jeye: Pomonae xua Jesucristo jume cowanta dubenanaebiyaeinchi beya xua yacuiya werapaeya othopaena barapomonae catsin Nacom pia peitorobi nacua beicha peajuntu yapusawa, po peajuntu yapusawa xua jopa weraweracaeyo,

jei Nacom pia Pejumope t̃nax̃ tatsi, jei Nacom Pexanto', jande", nejei Jesucristo pon xua uncua barapo siete xoyobe xua pentatutuntha itanacanoba xua baxoyo pia xainya deca tatsi.

Meje yabara po diwesi Juan tatina Esmirna tomarapiwi

⁸ Pon Jesucristo xua uncua equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cow̃ntsiwi pomonae Esmirna tomaramonae, xua bapon petayorobinexa xua barapomonae petayorobinexatsi. Jande: 'Meje xua paeba pon xua daxita forota poxonae aena. Yawano bapon daxita wetsina xua bexa tsane. Bequein bapon bayatha t̃pa ichitha equeicha as̃ popona xua ataya tsitecaeya tsane. ⁹ Bapon jeye: Yaputan daxita xua pocotsiwan paexaname. Bara paca tainchi xua paanth̃th̃tanem poxonae xua ichamonae pacata abe exana. Bequein paca tainchi xua paacopeibim ichitha apara bara paxeinaename pocotsiwa bexa Nacom paca catsibina. Daxota paxam be copei pexeinae jiwi pam. Yaputan pomonae atsaquiya najei: Paxan judiomonae pan, jei. Barapomonae abe paca yabara paeba. Daichitha barapomonae ̃ caurimonae pia pentacaponaein tatsi bapon piamonae tatsi. ¹⁰ Jopa pajunuwinde xua pocotsiwa ichamonae paca anth̃th̃tane exanaena xua tsipei pacata abe exanaena. Caurimonae pia pentacaponaein tatsi itorobina ich̃ntha xua piraichi paca jiwana capanaena jiwi pec̃bi bo beya xua daxota daxita paxam painya

nenacui barapentsiwa tsane xua painya nejume cowantsiwa Nacom. Paxam paanthuthutanem tsane diez po matabibibe. Daichitha pana najantũ coyene daunweya wũnaere beya poxonaē payacuiya werapaeya othopaename. Bapoxonaē paxam paca catsibinchi xua be pentoma xua peantũyapusuwa po peantũyapusuwa xua jopa weraweracaeyo. ¹¹ Paxam pomonaē painya nejume cowantsi jiwĩ pam. Icha pamuxu dubename, moya pajume naitaeware xua pocotsiwa Nacom pia Pejumope tũnaxũ tatsi paca tsipaeba. Bapon jeye: Pomonaē xua Jesucristo jume cowanta dubenanaebiyaeinchi beya xua yacui werapaeya othopaena, Nacom jopa copatsi tsane xua barapomonaē equeicha jopa ateneya werapae tsane, jei Nacom pia Pejumope tũnaxũ tatsi, jei Nacom Pexanto', jande", nejei Jesucristo pon xua uncua.

Meje yabara xua po diwesi Juan tatina Pérgamo tomarapiwi

¹² Pon Jesucristo xua uncua equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cowantsiwi pomonaē Pérgamo tomaramonaē xua barapon petayorobinexa xua barapomonaē peyorobinexatsi. Jande: 'Meje xua paeba pon pecoiboto tsina tapichapeinatsi cusĩ po wato nantiya barũ ducuabe. ¹³ Bapon jeye: Bara yaputan xua daxita paexaname. Yawano yaputan xua painompame ichaxota caurimonaē pia pentacaponaein tatsi itorobeiba xua barapo tomarapiwi itorobeibatsi. Daichitha awiya

pana nejume cowanta dubenanaebiyame. Jopa pabarapentsinde xua pata tana nejume cowantsiwam. Antipas bichocono nejume cowanta. Bequein bapon bexotsi painya xantha, daichitha awiya pana nejume cowanta dubenanaebiyame. Pomonae barapo tomaratha jinompa pomonae xua caurimonae pia pentacaponaein tatsi itorobeiba barapomonae Antipas bexotsi. ¹⁴ Daichitha paca cui yaputainchi xua icha coyenein paexaname, po coyenein xua jopa ichichipaeinyo. Paxeiname Pérgamo tomaratha pomonae xua painyamonaе jiwana, pomonae barichi xua abe exana xua daxota jopa ichichipaeyo xua pepentsiwa xua pecuidubiwa pocotsiwa Balaam pia pecuidubi coyenewa tatsi. Bapon Balaam cuiduba, Balac cuidubatsi xua xuya Balac pecuidubinexa xua israelmonae pecuidubinexatsi xua israelmonae abe peexanaenexa. Po peabe coyene Balac cuiduba xua pinae israelmonae itacupatsi xua xane duwein po duwein poxonaе bexuba ibo nacom nexa. Yawano Balac cuiduba xua pinae barapo israelmonae jopa abe exanaeyo poxonaе nata siwa xeina dubenanaebiya yabuxi. ¹⁵ Barichi pomonae painyamonaе jiwana pomonae abe exana, barapomonae ichichipa po pecuidubiwa pocotsiwa nicolaitamonae pia pecuidubi coyenewa tatsi. Barapo nicolaitamonae pia pecuidubi coyenewa tatsi bichocono aichaxaibin. ¹⁶ Daxota icha juntu coyene paxeinare. Icha jopa icha juntu coyene paxeinaem, nainya jemeicha baxota patopaein yawa paca beinchi cusitha, po watotha xua tacoiboto pichapeina.

17 Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope t̃nax̃ tatsi paca tsipaeba. Bapon jeye: Pomonae xua Jesucristo jume cowanta dubenanaebiyaeinchi beya xua yacui werapaeya othopaena, barapomonae catsin po pexaewa pew̃n maná, po pexaewa namicha boca xua ichamonae jopa yabara yaputaeyo. Yawa barapomonae catsin iboto, po iboto inyapana, barapo ibototha tinaena pena w̃n xua ichamonae jopa w̃n taeyo. Saya meisa w̃n yaputaena pon xua catsin barapo iboto, jei Nacom pia Pejumope t̃nax̃ tatsi, jei Nacom Pexanto', jande", nejei Jesús pon xua uncua.

Meje yabara po diwesi Juan tatina Tiatira tomarapiwi

18 Jesucristo pon uncua equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cowantsiwi pomonae Tiatira tomaramonae xua bapon petayorobinexa xua barapomonae petayorobinexatsi. Jande: 'Meje xua paeba Nacom Pexanto tatsi, pon peitamaiqueitobetha be isoto itareto tarucuatsi. Yawano bapon bichocono taxu daedaena be penainto, pocotsi nainto pew̃n bronce. 19 Bapon jeye: Yaputan daxita xua po coyene paexaname, yawano yaputan xua paxam pana neantobem. Yawano yaputan pocotsiwa painya tana nejume cowantsiwam. Yawano yaputan xua pocotsiwa payawename ichamonae. Yawano yaputan xua saya beitatemaya j̃ntema

painompame poxonaē bequein ichamonae
 pacata abe exana. Yawano yaputan xua anoxuae
 nawita paexanaponame beyacaincha xua
 poxonaē copiya paexaname. ²⁰ Daichitha paca
 cui yaputainchi xua pocotsiwa paexaname xua
 pocotsiwa aichaxaibin, xua jopa paitawetsim
 powa pewun Jezabel. Powa jei: Nacom nexa
 tapaebiwayon, jei. Daichitha tana nejume
 cowantsi jiwi muxuitorobatsi. Barapowa
 Jezabel tamonaē cuidubatsi xua bara nata siwa
 xeineibina yabuxi. Yawa bapowa cuidubano po
 coyene aichaxaibin xua tamonaē jain itorobatsi
 xua tamonaē xaena duwein, po duwein poxonaē
 bexuba ibo nacom nexa. Barapo duwein jiwi
 cata ibo nacomtha poxonaē wanaē jainta pia
 ibo nacom. ²¹ Caena bayatha ewatan xua
 bapowa icha juntu coyene pexeinaenexa, ichitha
 bapowa baxua jopa beexanaeyo. Bapowa
 jopa juniya exanaeyo xua abe exanaponeiba.
²² Xan exanaein xua nainya bapowa atene
 tsanaya tsane, xua camatha pebocaenexa, abe
 peexanaexae. Iruru pomonaē xua bapowa
 abe nanabarū exainchi barapomonaē atene
 tsane exanaein xua icha barapomonaē jopa
 nacui barapentsi tsane pocotsiwa bapowa
 cuiduba. ²³ Yawano bapowa pia pexui tatsi
 tajutebin. Bapoxonaē daxita pomonaē Nacom
 pejume cowantsiwichi neyaputaena po coyene
 xua xan deta cou jiwi tanthuthū yaputaein
 daxita xua poxonaē exaneiba yawa daxita
 poxonaē xua nanta xeineiba. Bapoxonaē
 daxita paxam barompaya paca catsibinchi
 be xua pentoma. Pomonaē xua xanepanaya

paexaname, xua wɔnae paca catsibinchi. Pomonae xua abe paexaname, xua peatenewa paca catsibinchi. ²⁴ Paca tsipaebatsi daxita pam pomonae Tiatira tomarapiwi jiwana pam, xua pomonae jopa paexanaem pocotsiwa xua Jezabel paca cuiduba, saya ichamonae paxam jiwana pam, baxua exana. Paca tsipaebatsi pomonae pam pomonae jopa pananabarɔ nacuidubim pocotsiwa caurimonae pia pentacaponaein tatsi pia coyenewan tatsi. Tsipei jopa paexanaem barapo coyenewa daxota jopa paca itorobi tsainchi icha coyene xua painya neexanaewa tsane, po coyene bichocono ayapube. ²⁵ Daichitha awiya pana nejume cowɔnta dubenanaebiyama beya poxonae equeicha patopeicaein. ²⁶ Awiya pajume cowɔnta dubenanaebiyama Nacom painya amanayabinexa tsane caurimonae. Yawa awiya paexana dubenanaebiyama pocotsiwa xua xan ichichipan xua beya payacui werapaeya othopaename. Pomonae baxua exanaena, barapomonae catsin taayapusɔ itorobi coyenewa xua peitorobeibinexa tsane po cae pin nacuathepiwi. ²⁷ Paca catsibinchi taitorobi coyenewa icha Taxa neichi xua necata pia peitorobi coyenewa. Icha pebin ichi xua poxonae barapon daunweya wacataxuba juruwato penaintotha xua peexanaenexa pepɔrɔwixi, bara jɔta ichi tsane pomonae nejume cowɔnta. Barapomonae daunweya itorobina barapo cae pin nacuathepiwi beya poxonae daxita weraweracaena abe peexanaexae. ²⁸ Bapoxonae yawa paca catsibinchi po coyene xua tapaca barɔ poponaewatsi. Barapo coyene bichocono wɔnae

tsane, icha jarawato ichi xua jiwi bichocono tsita w̃naetsi poto mataquei pew̃naeya ecoina. ²⁹ Paxam pomonae painya nejume cow̃antsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope t̃nax̃u tatsi paca tsipaeba, jei Nacom Pexanto', jande", nejei Jesús, pon xua uncua.

3

Meje yabara po diwesi Juan tatina Sardis tomarapiwi

¹ Jesucristo, pon xua uncua siete xoyobe pia xainya deca xua ichaxota pentatutuntha itanacanoba, equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cow̃antsiwi pomonae Sardis tomaramonae xua bapon petayorobinexa xua barapomonae petayorobinexa. Jande: 'Meje xua paeba Jesucristo pon xua xeina siete po pexeinya j̃ant̃u coyenebe, po coyenebe xua Nacom pia Pejumope t̃nax̃u tatsi Jesucristo catatsi. Yawa bapon xeina siete po opiteitobe pecobe weya, po cobe pecoxa weya. Bapon jeye: Yaputan daxita xua paxam paexaname. Bequein jiwi paca yabara nanta xeina xua paxam painta beta exaname, daichitha apara jopa painta beta exanaem. Daxota paxam netsita be pomonae pewerapae jiwi pam. ² Pana naj̃ant̃u coyene tsacabare. Payawende pomonae tana nejume cow̃antsiwi xua pej̃ant̃u coyene w̃nae nexa, tsipei barapomonae be pewerapaewi pej̃ant̃u coyene natsepaexae. Paca tainchi xua

pocotsiwa paexaname. Baxua jopa Nacom tsita w̃naetsi. ³ Daxota pananta xeinare xua pocotsiwa bayatha paca cuiduba. Bapoxonae bapocotsiwa paexande yawano bapoxonae icha j̃nt̃u coyene paxeinare Nacomtha xua equeicha caewa painya nejume cow̃ntsiwa tsane. Icha jopa baxua paexanaem tsane, bapoxonae nainya jemeicha patopaein paxamtha poxonae jopa payaputaem xua patopaein. Exanaein icha be pocotsin pon pecaibin ichi xua jemeicha patopa. ⁴ Daichitha paxeiname barapo tomaratha, Sardis tomaratha, pomonae tana nejume cow̃ntsiwi. Barapomonae penth̃uth̃u xeicae jiwi. Jopa xeinaeyo po coyene xua peaj̃nt̃u coyenebewa tsipei jopa abe exanaeyo. Barapomonae nebar̃u jinompaena. Yawa nama xatabina paparuwan, po paparuwan inyapana tsipei barapomonae exana dubenanaebiya pocotsiwa xua itoroban. ⁵ Pomonae xua nejume cow̃nta dubenanaebiyaena xua beya yacui werapaeya othopaena barapomonae nama xatabina po paparuwan inyapana. Yawa pomonae w̃n dubena Nacom pia diborotha xua pomonae ataya pejinompaenexa tsane xua jopa weraweracaeyo, barapomonae jopa w̃n iquicaein tsane. Yawano w̃n yaputane exanaein Taxa Nacomtha yawano Nacom pia matatsunpiwi tatsi peitabarathano. ⁶ Paxam pomonae painya nejume cow̃ntsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope t̃nax̃u tatsi paca tsipaeba, jei Nacom Pexanto', jande", nejei Jesús pon xua uncua.

Meje yabara po diwesi Juan tatina Filadelfia tomarapiwi

⁷ Equeicha Jesucristo pon xua uncua nejei: “Barichinde tatinare pon Nacom Pejume Diwesi pepaebin pomonaetha tana nejume cowantsiwi pomonae Filadelfia tomarapiwi xua bapon petayorobinexa xua barapomonae petayorobinexatsi. Jande: ‘Nacom Pexanto tatsi, bapon bichocono pejanta coyene xanepanaein Nacomtha xua jopa penatsicuenta siwa Nacomtha xua abe peexanaexae. Yawa bapon bara xaniwaicha pepaebin. Yawa bapon pon naca yawena xua patinchi Nacom pia peitorobi nacua beicha. Bapon naca yawenaena icha matha pon peboupa peewatsin ichi xua poxonae David yawenatsi. Bapon pon peboupa peewatsin David taewatatsi pia pexeinya peecaethopeibi bo tatsi. Bapon David pon caena bayatha Israel nacuamonae itorobiya pia pepa peewatsinchi. Bapon pon peboupa peewatsin pia peitorobi coyenewa xeina xua poxonae bapon peboupa saranaxuba ichan jopa itacupaetsi xua peboupa xatataba. Yawa poxonae bapon peboupa xatataba ichan jopa itacupaetsi xua saranaxuba. Icha bapon ichi, barichi Nacom Pexanto tatsi pia peitorobi coyenewa xeina. Bapon copata xua pijimonae tatsi patsina Nacom pia nacua beicha. Yawano jopa copatsiyo xua ichamonae patsina Nacom pia nacua tatsi beicha. Ichan jopa itacupaetsi xua ichawa paeba Nacom Pexanto tatsi beya. Anoxuae nama Nacom Pexanto paca tsipaeba, jeye: ⁸ Yaputan xua daxita paexaname. Xan copatan xua tajume

diwesi pacaponame ichamonaetha. Ichun jopa itacupaetsi xua paca jume itaweta xua daxota jopa painya necaponaewa barapo diwesi. Bequein saya tsiwiyo paauntacuicoyenesam, daichitha awiya tajume diwesi pacueicueijam yawa jopa pana nepentsim xua painya tana nejume cowuntsiwam. ⁹ Ichitha pomonae naerabiya jei: Paxan, judiomonae pan, jei, barapomonae, Satanás, caurimonae pia pentacaponaein tatsi bapon piamonae tatsi tsipei jopa benejume cowuntsiyo. Xan exanaein xua barapomonae patsina paxamtha pentabocototha peumenaenexa tsane painya itabaratha wnae painya nepaca jainchinexa tsane. Bapoxonae barapomonae yaputaena xua xan tapaca caantobewichi pam. ¹⁰ Pajume cowuntsiya exana dubenanaebiyama po coyene xua paca itorobatsi xua beitatemaya painompame xua jopa painya neaitaconaewa poxonae bequein ichamona paca yabara abe exana. Daxota barapo matakabi, po mataqueitha poxonae caurimonae pia pentacaponaein tatsi daxita barapo cae pin nacuathe jiwi juntu coyene jujatinchi, poxonae jiwi bichocono atene exanaeinchi bara paca capanenebiya exanaeinchi. Caurimonae pia pentacaponaein tatsi juntu coyene jujatsina pomonaetha pomonae Nacom pejume cowuntsiwichi poxonae bichocono atene exanaeinchi xua daxota Nacom jopa pejume cowuntsiwa tsainchi. ¹¹ Imoxoyo patopeicaein. Xaniwaicha beta paxeinare pocotsiwa xua tapana nejume cowuntsiwam xua bexa Nacom paca catsina pocotsiwa paca

juntana jeba pia nacuatheicha beta painya tana nejume cowanta dubenanaebiyaexaemxae. Jopa pacopatsinde xua ichun paca exanaena xua abe painya neexanaewa tsane xua daxota jopa painya nexainaewa tsane pocotsiwa paca juntana jeba pia nacuatheicha. ¹² Pomonae xua nejume cowanta dubenanaebiyaena barapomonae bichocono juntu coyene ayapusaya daunweya exanaein xua pepatsinexa tsane Nacom pia nacua beicha. Bapoxonae bapana jopa ponae tsane Nacom pia nacua weya. Bapoxonae barapomonaetha catsin po wan Taxa Nacom pewun, xua jiwi peyaputaenexa xua barapomonae apara Nacom piamonae tatsi. Yawa catsin po wan pena Jerusalén tomara pewun, po tomara Nacom pia tomara tatsi ichaxota jinompa pomonae peantobewichi Nacom. Barapo Jerusalén tomara itaboco wetsica pona ichaxoteicha xua Tanacom popona. Yawano catsin barapomonaetha tawun, po wan pena wan. ¹³ Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tñaxu tatsi paca tsipaeba, jei Nacom Pexanto', jande", nejei Jesús pon xua uncua.

Meje yabara po diwesi Juan tatina Laodicea tomarapiwi

¹⁴ Jesucristo, pon xua uncua siete xoyobe pia xainya deca xua ichaxota pentatutuntha itanacanoba, equeicha nejei: “Barichinde tatinare pon Nacom Pejume Diwesi pepaebin pomonaetha tana nejume cowantsiwi, pomonae

Laodicea tomarapiwi xua bapon petayorobinexa xua barapomonae petayorobinexa. Jande: 'Meje xua paeba pon xaniwaicha pepaebin pon xua xaniwaicha beta naca yabara caunutsiya paeba Nacomtha. Pon xua caena bayatha daxita forota. 15-16 Yaputan daxita pocotsiwa paxam paexaname. Paxam paca tsipaebatsi xua be paichimje: Ichamonae ba aichaxaibi xua apa poxonae po mera mene tuna xuano xua poxonae aque aibi yawa poxonae atou aibi. Bapoxonae mene sutabina. Paxam be barapocotsi mera pana nacayabara tsicotaneme. Paxam conotha pana nejume cowantame. Jopa panepentsim xua pata tana nejume cowantsiwam. Matautano jopa bichocono paichichipaem xua painya neexanaewa pocotsiwa paca itorobatsi. Daxota anaya paca xubinchí tsipei conotha pana nejume cowantame icha xua pebin ichi xua anaya mene sutabina tsipei mene tuna. 17 Payabara paebame po coyene xua copei painya nexeinaewi pam. Yawa payabara paebame po coyene xua painya coutha pana nayaweneibame xua jopa pacata acoibi tsaibiyo xua pocotsiwan panantawenoname. Ichitha jopa payaputaebenaem xua pocotsiwa paca yabara nanta xeinatsi xua pebiwi tsobenae, paca yabara jeichi. Matautano jopa payaputaem xua paxam be pomonae peacopeibiwi pana natsicotaneme. Yawano be pomonae peitata nacutsi jiwi pana natsicotaneme. Yawano be pomonae tamasaina pana natsicotaneme. Apra xua jan: Paxam be barapomonae pam tsipei jopa beta painya juntu coyenewatha pana nejume cowantsim. Yawa

jopa beta painta nacuichim, jan. ¹⁸ Daxota paca tsipaebatsi. Pana necomocare po penainwan pewan oro nain po nain xua daunwei xua poxoru isototha pesetsixae xua pexubinexa pocotsiwa abe. Bapoxonae xaniwaicha bara copei painya nexeinaewi pam tsane. Yawano pana necomocare po paparuwan inyapana tha tapaca cajuma xatabinexa tsane, tha tapaca cajuma acabinexatsi xua pajumasainame xua painya neauraxae. Matautano pana necomocare pewawa tabotsinexa painya itamaiqueittha bapoxonae beta pataename. Apra xua jan: Pana newuare xua poxonae po coyene xua beta paca juntu coyene exanaeinchi xua jopa painya nexeinaewam tsane painya juntu coyeneintha, pocotsiwa xua abe, jan. ¹⁹ Pomonae xua antobein cui itawetan xua abe exana. Equeicha cuiduban xua jopa peexanaenexa baxuan. Yawano bichocono pana nejume cowande yawano icha juntu coyene paxeinare. ²⁰ Pataema bo coibototha uncuan yawa wawan. Icha pebin nejume tane yawa inta coibo sarana xorena bara joniyan yawa bara pana nabaru xanbe pia bothaxae. ²¹ Taxa jume cowanta ducuaenaebian xua neitoroba beya xua poxonae bayatha tapan. Daxota Taxa necopata xua taecaenexa imoxoyo ichaxota Taxa pia pexeinya peecaethopeibiwa tatsi tauncuatsi. Icha Taxa neichi baxua, barichin tsane pomonaetha pomonae tana nejume cowantsiwi. Pomonae nejume cowanta dubenanaebiyaena xua itoroban, xua beya yacui werapaeya othopaena, barapomonae copatsin xua peenaenexa ichaxota imoxoyo pexeinya

taequeibithopeibiwa inta uncua. ²² Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tñaxu tatsi paca tsipaeba, jei Nacom Pexanto', jande", nejei Jesús pon xua uncua.

4

Meje yabara po diwesi xua xuan Juan tsita naitatsi peitabocotha

¹ Poxonae baxua weta, tan peitabocotha be bo boupá xua boupá yeyetanota. Yawano jume tan pejume, po jume xua copiya jume tan, po jume xua bichocono jume daunweya ajumetsaca be poxonae xua oba po peobiwa pewan trompeta. Bapon Jesús nejei: "Anetha tsinande taxainya betsina. Catsita itatsinchi xua pocotsiwa bexa tsane exanaena", nejei Jesús.

² Bapoxonae nama bichocono Nacom pia Pejumope tñaxu tatsi nejuntu yuca exana. Peitabocotha tan xua ducua pocotsiwa pexeinya peenaethopeibiwa, yawano tan pon xua equiya baxota. ³ Pon xua equiya baxoteicha bichocono itabara daedaena icha iboto ichi pocotsi iboto xua bichocono daedaena pocotsi iboto xua bichocono ainya matoma, po iboto pewan jaspe, yawa be pocotsi iboto pewan cornalina. Yawano matawacaicha matatsun uncueicatsi coinwawa. Barapo coinwawa bichocono sujeya pentha exana icha iboto ichi pocotsi iboto pewan esmeralda.

⁴ Barapo pexeinya peecaethopeibiwa pia matawacaicha tatsi, tan icha peenaethopeibiwan veinticuatro po peenaethopeibiwan xoyobe.

Barapo peenaethopeibiwantha ena pitiri jiwi xua matauta veinticuatro poyobe. Yawano barapo pitiri jiwi nama xataba paparuwan, po paparuwan inyapana yawano nanta xataba pocotsiwa be tepa xua penainwan, po penainwan pewun oro nain. ⁵ Barapo pexeinya peecaethopeibiwa weya be yamuxu busi xua jurujurei. Yawano jerajerei. Yawano barapo peecaethopeibiwa peitabaratha tatsi umena pecoicha be xua pocotsiwa banaxu. Barapo siete banaxutobe coichabe yabara caunuta xua Nacom pia Pejumope tanaxu tatsi xeina siete po pexeinya juntu coyenebe. ⁶ Barapo peecaethopeibiwa peitabaratha ducua xua pocotsiwa pentha pocotsiwa icha pin mene mar ichi xua mene itarana yawa icha bosibu muxupawa ichi xua penthiya.

Barapo peecaethopeibiwa baxota imoxoyo umena cuatro poyobe pocotsiwa xua asu. Barapo cuatro poyobe nantiyan itamaiquei dubena peitabara weyano yawa peuma werenano. ⁷ Barapo cuatro poyobe jiwana xua xuan asu, pon copiya be neuthu itabara, iru ichun be vaca pebto itabara, iru ichun be jiton itabara, iru ichun be cotsara itabara, pon pepupunaen. ⁸ Barapo cuatro poyobe daxita barompaya xeina seis po cuarafeinbe. Matautano barompaya ainya itamaiquei xeina daxita matapaeicha pepontha yawano matha iya itamaiquei dubeinya. Mataqueitha, merawithano jopa cuinaya najume copababiyo xua cueicueije Nacomtha pon xua eca barapo pia peecaethopeibiwatha, jeye:

“¡Xam pon bichocono nejuntu coyene

xanepanaem,
 xua bapana jopa nexainaewa abe peexanaewa!
 ¡Xam pon jiwi Necanamataxeinaem!
 ¡Xam Nacom, pon neayapus̃ itorobi
 coyenewa xeiname!
 ¡Xam pon caena bayatha poponeibame xuano
 xua anoxuae poponeibame xuano xua bexa
 ataya tsitecaeya poponaename!”
 jei barapo cuatro poyobe poxona
 cueicueije Nacomtha.

⁹ Pon xua pexeinya pia peecaethopeibiwatha
 eca, pon xua ataya popona, bapon w̃nae jaintatsi,
 barapo cuatro poyobe w̃nae jainta. Baxua exana
 tsipei bapon pexeinya j̃nt̃ coylene pexeinaein,
 matautano tsipei bapon ainya cui coyenewan pe-
 exanaein. Matautano bapon jeichichi: “Maisa
 paj̃nt̃ coylene weiweinan pocotsiwan pata tana
 necatsixaemxae”, jeichichi bapon. ¹⁰ Poxonae
 barapo cuatro poyobe w̃nae jainta, bapoxon-
 aer̃ pitiri jiwi xua veinticuatro poyobe xua
 barompaya pia peenaethopeibiwatha ena, bara-
 pomonae ir̃ pentabocototha umena xua w̃nae
 pejainchinexatsi pon ataya pepoponeibin. Yawa
 barapo veinticuatro poyobe nanta tepa wejon-
 apenta. Bapoxonae jeba pon ataya pepoponaein
 peitabaratha tatsi. Bapoxonae jeye:

¹¹ “Pata Tanecanamataxeinaem,
 yawano xam pata Nacom.

Maisa w̃nae xua paexana dubenanaebiyān
 ichamonaetha pata yabara cueicueijeinexa
 jinya pexeinya j̃nt̃ coylene yawa jinya
 pexeinya ainya cui coyenewan, yawano
 jinya neayapus̃ itorobi coyenewa.

Baxuan paexanan tsipei xam daxita forotame.
Tsipei xam neichichipaexae daxota baxuan
forotame”, jei barapo pitiri jiwi.

5

*Meje yabara po diwesi xua poxona Juan tane
Nacom pia diboro*

¹ Bapoxonae tan diboro pecobe weya, po cobe pecoxa weya xua pon xua eca peecaethopeibiwatha. Barapo diboro quiyontsiya matuba yawano barapo diboro nantiyabe muxunene tina yawa catsababa siete xoyobe xua pocotsiwa pecatsababiwa. ² Yawano tan matatsunpin pon peitorobi coyenewa xeina. Yawano jume daunweya yainyaba jeye: “¿Jintam Nacom tsitatsi pon pejant_u coyene xanepanaein pontha pon xua Nacom daxota copatsina xua barapo pecatsatabiwa petsitsinaxubiwa tsane xua pepataxubiwa tsane barapo diboro?” jei bapon. ³ Ichitha dapocotsin aibi pon itabocotha popona, ir_u pon xua popona po irathe, ir_u pon popona po ire pe_uma bereca. Tsipei dapon aibi pon bichocono pejant_u coyene xanepanaein xua pontha pon Nacom copata xua peitac_upaewatsi xua pepataxubiwa tsane yawa xua peyorobiwa tsane barapo diboro. ⁴ Bapoxonae bichocono wecoyan tsipei dapon aibi pon xua bichocono pejant_u coyene xeicaein xua pon itac_upatsi pepataxubiwa tsane yawa xua peyorobiwa tsane barapo diboro. ⁵ Bapoxonae caein barapo pitiri jiwi, nejai: “Jopa equeicha wecoyande. Tsipei pon uncua pon w_un dutatsi: ‘León’, jei xua po

wɛn jei: ‘neɥthɛ’, jei bapontha Nacom copata xua exana baxua tsipei pia peayapusɛ itorobiwa canamataxeina. Apra bapon Judá piamonae jiwi jiwana tatsi, pon Judá caena bayatha tɔpa. Barichi bapon apra David pia pemomoxi susato jiwana tatsi, pon David Judea nacuapiwi itorobiya pia pepa peewatsinchi caena bayatha. Saya meisa bapontha Nacom copata xua itacɔpatsi xua tsitacutsina barapo siete xoyobe xua catsataba barapo diboro peamanayabixae xua poxonae equeicha caewa asɛ poxonae tɔpa naetotha”, jei pitirin.

⁶ Bapoxonae tan Cordero xua oveja pebto penɛn, pon uncua Nacom pia pexeinya peecaethopeibiwatha peitabaratha tatsi yawa xua barapo cuatro poyobe peitabaratha tatsi xua xuan asɛ, yawano pitiri jiwi pia xainya deca tatsi. Barapo Cordero uncua bequein wan xeina xua poxonae bayatha tsibexotsi jiwi abe pia peexanae cuiru coyenein tatsi. Barapo Cordero siete po itamaiqueitobe xeina matautano siete pontetobe xeina. Barapo siete itamaiqueitobe yabara caunuta siete po pexeinya jɛntɛ coyenebe xua Nacom pia Pejumoɛ tɛnaxɛ tatsi xeina. Nacom najumoɛ itoroba daxita iranthe. ⁷ Barapo Cordero wecobe pita barapo diboro pecobe weya, po cobe pecoxa weya tatsi pon xua eca pia pexeinya peecaethopeibiwatha. ⁸ Poxonae Cordero pita barapo diboro, bapoxonae barapo veinticuatro pitiri jiwi, irɛ cuatro poyobe xua xuan asɛ daxita barapomonae pentabocototha umena barapo Cordero peitabaratha tatsi. Daxita barapo pitiri jiwi barompaya xeina

xua pocotsiwan pexeinya petañbabiwan
 pocotsiwan pewan arpa. Yawano barompaya
 xeina pocotsiwan pecaapaewan xua pocotsiwan
 pewan oro nain. Yawa barapo pecaapaewixitha
 wñba xua pocotsiwan petuxueiwan pocotsiwa
 tuxusi benata poxonaе tauta. Barapo petuxueiwa
 yabara caunuta xua pocotsiwa poxonaе
 pewaewa Nacomtha pomonaе xua Nacom
 piamonaе, pomonaе pia peantobewichi tatsi.

⁹ Barapomonaе pena wei naxña, jeye:

“Xam maisa pon bichocono nejñta coyene
 xanepanaein xua netsitsinaxubiwa barapo siete
 xoyobe xua catsataba barapo diboro.

Tsipei bayatha pana netsitapame poxonaе
 painta pentoma exaname pata naexanaenexa
 tsane Nacom piamonaе tatsi.

Yawano jiwana itapetame, pomonaе tsicamon-
 aexi

xua daxita carepaya tsicamonaexitha xua
 necajume cowñtsiwa tsane.

Matañtano jiwana itapetame daxita i dapomonaе,
 pomonaе barompaya icha jume penatsipaebiwa.

Matañtano daxita carepaya tomaranpiwi
 jiwana itapetame.

Matañtano daxita carepaya nacuanpiwi
 jiwana itapetame.

¹⁰ Pana necana exaname be pomonaе jiwi itoro-
 biya

pia pepa peewatsiwichi tatsi pan.

Yawa pana exanamenno be pomonaе
 sacerdotemonaepiwi pan xua Nacom
 pata tanacuichinexa.

Yawano pana exaname pata itorobiya

ewatsinexa po cae pin nacuathepiwi”,
 jei barapomonaе poxonaе nax_hna.

¹¹ Bapoxonaе necotan, yawan jume tan xua bichocono pinmonaе juinya pomonaе Nacom pia matatsunpiwi, xua juinya barapo pexeinya peecaethopeibiwatha matawacaicha umena, yawa xua juinya barapo pitiri jiwi matawacaicha umeinchi, yawa xua juinya matawacaicha umeinchi barapo cuatro poyobe xua xuan as_h. Pomonaе jume tan bichocono ayei jiwi c_hc_hjei.

¹² Bapoxonaе barapomonaе bichocono jume daunweya paeba, jeye:

“¡Cordero, po Cordero bayatha jiwi tsibexotsi abe pia peexanaе coyenewan tatsi, maisa barapo Cordero Nacom tsita j_hnt_h coyene xanepanatsi!

Daxota Nacom copata xua bapon xeina pia peayapus_h itorobi coyenewa.

Mata_hutano Nacom copata xua bapon xeina daxita pocotsiwan xua Nacom xeina.

Yawano xeina pia peyaputae coyenewan.

Yawano xeina pia peayapus_hwa xua daunweya peexanaewa.

Mata_hutano jiwi bewa bar_h cui

itura jinaena barapon pon Cordero.

Mata_hutano jiwi bewa w_hnaе jainchina barapon pon Cordero.

Mata_hutano jiwi bewa beta exanaе j_hnt_h coyene weiweina peexanaenexatsi bapon xua petsit_hpaexae jiwi abe pia peexanaе cuiru coyenein tatsi”, jei barapo matatsunpiwi.

¹³ Yawano equeicha jume tan daxita pomonaе caena bayatha Nacom forota: pomonaе

peitabocotha forotatsi, irano pomonae po cae
pin nacuathe forotatsi, irano pomonae po ire
peuma wetsina forotatsi. Yawano jume tan xua
pocotsiwan pin mene mar mentha jinompa.
Daxita baxuan carepaya Nacom forota. Jume
tan xua jeye:

“Xam Nacom, pon ecame jinya pexeinya
neecaethopebiwatha irano xam Corderom,
barab_u ataya j_{unt}_u coyene weiweina
paca exanaenabe xua jiwi j_{unt}_u coyene
weiweina paca exanaenabe xua
pocotsiwa painya neexanaexaebe.
Barab_u daxita jiwi paca bar_u cui
itura jineibinabe.

Yawano barab_u daxita jiwi w_unae
paca jainteibinabe.

Yawano barab_u paxeineibinamebe peayapus_uwa
xua daunweya painya neexaneibiwabe.

Daxita barapo coyenein ataya tsitecaeya
paxeineibinamebe”, jei daxita
barapomonae, pomonae Nacom forota.

¹⁴ Barapo cuatro poyobe xua xuan as_u, jeye:
“¡Bara bara, bara baxua exanaena!” jei. Pitiri
jiwi, pomonae veinticuatro poyobe, pentaboco-
totha umena, xua Nacom w_unae pejainchinexatsi,
pon ataya tsitecaeya popona.

6

*Meje yabara po diwesi xua siete xoyobe xua
xuan pecatsababiwan*

¹ Bapoxonae tan poxonae Cordero tsitsinaxuba
caewa xua catsataba. Bapoxonae caein jiwana

pomonaе cuatro poyobe xua xuan asu jume tan xua daunweya paeba xua be yamuxu busi, nejei: “¡Anetha, taema!” jei. ² Bapoxonae tan cawayu pe-mainyan. Pon cawayutha equeica, bapon bicheibi caequeica. Bapon pexeinya tepa catatsi penamata xatatsinexa. Bapon cawayutha ponataba xua beta penabinexa. Bapon amanayaba pia peaitafaetabiwichi.

³ Poxonae Cordero equeicha tsitsinaxuba icha pecatsatabiwa, bapoxonae barapo cuatro poyobe jiwana xua xuan asu jume tan, nejei: “¡Anetha, taema!” jei. ⁴ Equeicha patopa ichun cawayu pet-sobian. Pon tsijuma equeica, bapon catatsi peayapusu itorobi coyenewa xua jiwi pejuntu coyene wepuxana exanaenexatsi po coyene xua junte-ma pejinompaewa. Yawano peexanaenexa xua pe-biwi penajutebinexa. Matautano bapon pin de-jona catatsi.

⁵ Poxonae Cordero equeicha tsitsinaxuba icha pecatsatabiwa, bapoxonae equeicha barapo cu-atro poyobe jiwana xua xuan asu jume tan, ne-jei: “¡Anetha, taema!” jei. Equeicha cawayu tan petsaebian. Pon tsijuma equeica, bapon co-maequeica pocotsiwa pepesabiwa. ⁶ Bapoxonae barapo cuatro poyobe pia xantha jume tan xua nejei: “Saya cae kilo trigo xu cae denario nan-tomatsina, pocotsi paratixi xua nantomata caen-taqueitha poxonae nacuita. Yawano tres po kilobe cebada beno cae denario nantomatsina pocotsi paratixi xua nantomata caentaqueitha poxonae nacuita. Ichitha jopa copatsin tsane xua abe ex-anaena aceite mera yawano vino mera”, jei pon jume tan.

⁷ Barapoxonae barapo cuatro poyobe xua opi ducuanaya jume tan yawa nejei: “¡Anetha, taema!” jeí. ⁸ Bapoxonae cawayu ichan tan pon na daena. Pon tsijuma equeica wun dutatsi: “Pon Petupaen”, jeí. Barapo cawayu peputha tapoinchi ichan cawayu. Pon tsijuma equeica wun dutatsi: “Petupaewa Nacua”, jeí. Pon tsijuma equeicabe baponbe catatsibe Cordero pia peayapusu itorobi coyenewa tatsi xua baponbe pejiwana bexubinexabe poxonae cuatro poyobe necotabe pomonae po cae pin nacuathe jinompe, yawano xua pejutebinexabe poxonae jiwi naba, yawano pejutebinexabe poxonae jiwi piyain poxoru pexaewa aibi tsane, yawano pejutebinexabe poxonae jiwi atene, yawano pejutebinexabe unupiwi xua xuan bichocono anaepana.

⁹ Poxonae Cordero tsitsinaxuba ichaxota xua cinco po cuiyobe xua pecatsatabiwa, bapoxonae tan xua be pexaethopaewa ichaxota tauteiba duwei xua tuxusi exaneiba Nacom nexa. Baraxua xua be pexaethopaewa juma bereca tan pomonae bayatha jutebatsi ichamonae, pecaponaexae Nacom Pejume Diwesi xua amsiya awiya pecueicueijeixae. ¹⁰ Pomonae xua bayatha jutebatsi ichamonae, barapomonae jume daunweya paeba, jeye: “Nacom ponxaem pepa Necanamataxeinaem daxita jiwi, Nacom ponxaem bichocono nejuntu coylene xeicaem. Xam ponxaem pocotsiwan yabara tsiwunae muxu dubame baxuan xaniwaicha exaname. ¿Eta poxonae exanaename xua poxonae jiwi yabara paebiname xua penatsicuentsiwa xua abe peexanaexae, xuano xua pana yantomatsiname

xua nejutebinexa pomonae jinompa po cae pin nacuathe copiya pata tana nejutebixae?” jei barapomonae. ¹¹ Bapoxonae barapomonae juma xatabatsi paparuwan, po paparuwan inyapana. Yawano barapomonae baraichichi: “Ab_u cataunxuae paeware beya poxonae yacui opi ducuiya weraweracaena xua cataunxuae jujutebaponaeinchi pomonae ir_u Cristo pejume cowantsiwi. Barapomonae jujutebaponaeinchi pecueicueijeixae Cristo pejume diwesi, icha xua poxonae paichim”, jei Nacom.

¹² Poxonae Cordero tsitsinaxuba pecatsatabiwa xua seis po cuiyobetha, bapoxonae tan xua bichocono ira jijiyata. Xometo bichocono tsaebia tsanaya icha paparuwa ichi, pocotsi paparuwa bichocono tsaebia. Jomocoichato bichocono tso-bia tsanaya icha pejana ichi. ¹³ Opitei xua peitabocotha dubena othopeica po irathe tsique, icha be joibo ichi xua jubaba higuera nae xua pethei othothopeica. ¹⁴ Peitaboco aichurucuae icha be poxonae ich_un ichi xua poxonae mata quiyontaba papera. Matautano demxuwan, petu-naetonno equeicha ichawa bepoinya poxonae ira jijiyata. ¹⁵ Bapoxonae daxita pomonae jiwi itorobiya pia pepa peewatsiwichi tatsi xua barapo cae pin nacuathe, barapomonae nantsiyaba. Ir_u pomonae pentacaponae_u ir_u pomonae copei pexeinaewi, ir_u pomonae soldadomonae pia pentacaponae_u xua pomonae jiwi peamanayabeibi jiwi daxita barapomonae nantsiyaba. Daxitar_u pomonae pebusi cui tatayebeibiwichi ir_u pomonae xua saya penata exanaewi piawan nantsiyabar_u. Ichamonae barapomonae jiwana

ibo muthantha nantsiyaba. Ichamonae barapomonae jiwana nantsiyaba po ibotontha xua saya bobena xua demxuwan itapatororon tsica. ¹⁶ Barapomonae demxuwan beya yawa iboton beya jeye: “Pana mataperababare xua pata wera-paewa tsane xua daxota pon xua eca pia pexeinya peecaethopeibiwatha jopa pata tana netaewa tsane, yawa xua barapo Cordero pecuiyainwa xua pata neperaxa jubiya exanaeyainwa xua abe pata exanaexae. ¹⁷ Tsipei barapo matacabi patopa po mataqueitha daxita jiwi peraxa jubebinchi. Dapon aibi pon panepa barapo mataqueitha”, jei pomonae nantsiyaba.

7

Meje yabara po diwesi xua Nacom itapa tina Israel pia pexui tatsi pia pemomoxi susato jiwapiwi tatsi xua peyaitaenexa

¹ Bapoxonae cuatro poyobe tan matatsunpiwi xua iratha umena. Ichun uncua ichaxota pocotsiwa xometo weecoina, ichun uncua ichaxota pocotsiwa xometo bejopiya, ichunbe epatautiya uncuabe. Barapo matatsunpiwi jopa copatsiyo xua joibo pejojondenaewa barapo iratha dena, yawa xua pin mar menein dena, yawano naeintha denano. ² Barichi ichun tan ichun matatsunpin pon pocotsiwa wetsina pona ichaxota pocotsiwa xometo weecoina. Barapo matatsunpin capona Nacom piawa xua pocotsiwa peyaputaewa piawaxae, pocotsiwa pecatinaewa pon Nacom peayapusu itorobi coyenewa pexeinaein. Barapo matatsunpin jume daunweya wawai icha matatsunpiwi

beya xua cuatro poyobe, po cuatro poyobe pia peayapusu itorobi coyenewa xeina xua itacupatsi xua abe exanaena pin mene mar mentha yawa iratha. ³ Barapo matatsunpin jeye: “Jopa abe paexanaeinde iratha yawa pin mene mar mentha, paeware abu beya poxonae jiwi paitapa tinaein Nacom pia pejume cowantsiwichi, pon pata Nacom”, jei barapo matatsunpin.

⁴ Jume tan barapomonaе yabara, xua ichun jeye: “Ciento cuarenta y cuatro po jiwimonaеbe paitapa tinan xua Israel pia pemomoxi susatomonaе jiwana tatsi”, jei. ⁵ Barapo Israel pon icha wun Jacob. Bapon xeina doce po pexantobe tatsi pomonaе caena bayatha werapa. Israel pia pexanton tatsi pia pemomoxi susato jiwi tatsi xeina. Pon Judá, barapon pia pemomoxi susato jiwanapiwi tatsi Nacom itapa tina saya doce mil pomonaе matabuxumonaеbe. Pon Rubén, barapon pia pemomoxi susato jiwanapiwi tatsi Nacom itapa tina saya doce mil pomonaе matabuxumonaеbe. Pon Gad, barapon pia pemomoxi susato jiwanapiwi tatsi Nacom itapa tina saya doce mil pomonaе matabuxumonaеbe.

⁶ Pon Aser, barapon pia pemomoxi susato jiwanapiwi tatsi Nacom itapa tina saya doce mil pomonaе matabuxumonaеbe. Pon Neftalí, barapon pia pemomoxi susato jiwanapiwi tatsi Nacom itapa tina saya doce mil pomonaе matabuxumonaеbe. Pon Manasés, barapon pia pemomoxi susato jiwanapiwi tatsi Nacom itapa tina saya doce mil pomonaе matabuxumonaеbe.

⁷ Pon Simeón, barapon pia pemomoxi susato jiwanapiwi tatsi Nacom itapa tina saya doce

mil pomonae matabuxumonaebe. Pon Levi, barapon pia pemomoxi susato jiwanapiwi tatsi Nacom itapa tina saya doce mil pomonae matabuxumonaebe. Pon Isacar, barapon pia pemomoxi susato jiwanapiwi tatsi Nacom itapa tina saya doce mil pomonae matabuxumonaebe. ⁸ Pon Zabulón, barapon pia pemomoxi susato jiwanapiwi tatsi Nacom itapa tina saya doce mil pomonae matabuxumonaebe. Pon José, barapon pia pemomoxi susato jiwanapiwi tatsi Nacom itapa tina saya doce mil pomonae matabuxumonaebe. Pon Benjamín, barapon pia pemomoxi susato jiwanapiwi tatsi Nacom itapa tina saya doce mil pomonae matabuxumonaebe.

Meje yabara po diwesi xua pomonae juma xatabatsi pmainya paparuwan

⁹ Bapoxonae equeicha tan ichamonae pomonae bichocono jiwi ayei. Daxita nacuanpiwi jiwanamonae, yawano daxita carepaya tsicamonaexi jiwanamonae, yawano daxita carepaya icha jumexitha pepaebiwi jiwanamonae, yawano daxita carepaya tomaran jiwanamonae. Daxita barapomonae umena ichaxota imoxoyo Nacom pia pexeinya peecaethopeibiwa, yawa xua Cordero peitabaratha tatsi. Barapomonae bichocono pin bicheito xua ichamonae jopa itacupaetsi peununaewa. Daxita barapomonae juma xatabatsi pmainya paparuwan. Yawano barapomonae pecobetha cajjinca xua be coichaxu axu. ¹⁰ Daxita barapomonae jume daunweya jeye:

“¡Wanacom pon xua eca pia pexeinya
peecaethopeibiwatha yawano Cordero pon un-
cua,

naca capanepa xua jopa waatenewa tsane
xua abe waexanaexae!” jei barapomona.

11 Barapo matatsunpiwi matawacaicha
yatoxoroto umena xua pitiri jiwi matawacaicha
yatoxoroto umeinchi. Yawa pitiri jiwi matawa-
caicha yatoxoroto umena xua xuan cuatro
poyobe xua xuan asu matawacaicha yatoxoroto
umeinchi. Yawano cuatro poyobe xua xuan asu
matawacaicha yatoxoroto umena xua Nacom
pia pexeinya peecaethopeibiwa matawacaicha
yatoxoyoroto umeinchi. Bapoxonae barapo
matatsunpiwi irabe taeumendeca barapo
pexeinya peecaethopeibiwa peitabaratha.
Yawano Nacom wuna jaintatsi. 12 Barapo
matatsunpiwi jeye:

“¡Barabu Nacom juntu coyene weiweina
exaneibatsi pocotsiwa xua beta waexanaewa!

¡Bara ichi tsane!

¡Barabu daxita jiwi wuna jainteibina Nacom!

¡Matautano barabu Nacom xeineibina
pia peyaputae coyenewa!

¡Matautano barabu jiwi jei tsaibi:

‘Nacom maisa pajuntu coyene weiweinan
xua amanaya pata tana neyawenaemxae’,
jei tsaibi jiwi!

¡Barabu daxita jiwi cayabara
baru cui itura jineibina!

¡Matautano barabu xeineibiname jinya neayapusu
itorobi coyenewa, xuano xua xainaename jinya
neayapusuwa xua daunweya neexanae coyene!

¡Baxuan barabũ ataya xeinaename!
 ¡Je bara ichi tsane!” je barapo matatsunpiwi.

¹³ Barapo pitiri jiwi jiwana caein neyainyaba, nejei: “¿Jintam barũre pomonae pemainya paparuwa nama xataba? ¿Eta werena pona?” nejei pitirin. ¹⁴ Jume notan, janje: “¡Pon pentacaponae, apara xam yaputaneme jame!” jan. Barapoxonae nejei: “Barapomonae apara pomonae werena pona ichaxota poxonae po mataqueitha jiwi bichocono atene exaneibatsi. Barapomonae abe pia peexanae coyenewan tatsi Nacom tajũntemaina, tsipei barapomonae jume cowũntatsi xua pon tsitũpa barapomonae, pon ‘Cordero’ baraichichi. Barapomonae jũntũ coyene wũnae exanatsi Nacom. Yawa pemainya paparuwa jume xatabatsi”, nejei pitirin.

¹⁵ Equeicha nejei pitirin:

“Daxota barapomonae umena ichaxota imoxoyo Nacom pia pexeinya peecaethopeibiwa. Barapomonae tanacuita dubenanaebiya Nacom mataqueitha, yawa merawithano Nacom pia pin botha tatsi xua pia nacuatheicha tatsi. Pon xua eca pia pexeinya peecaethopeibiwatha bapon eenequeibina barapomonae, tsipei barũ popona.

¹⁶ Bapoxonae barapomonae jopa piyainyo, yawa jopa pia meratsino, yawa jopa tsaquiwichi xometotha xua bichocono jainchi.

¹⁷ Barapo coyene jopa abe exanaeyo barapomonaetha, tsipei Cordero Nacom Pexanto tatsi, pon uncua ichaxota imoxoyo Nacom pia pexeinya

peecaethopeibiwatha, bapon yawena
 xua barapomonaе yawenatsi.
 Barapon Cordero barapomonaе beta yapu
 eenaeinchi, icha be poxonaе
 pon ovejan peewatsin ichi
 poxonaе pia ovejan matacapona beta
 ichaxota penaton mene, po meran
 mene xeica, xua peasawa tsane.
 Bapoxonaе barapomonaе Nacom itacuere
 mene tsewa exanaena xua pewecoyeixae”,
 nejei pitirin.

8

*Meje yabara po diwesi xua siete po pecatsa-
 tabiwa xua tabu ducua*

¹ Poxonaе Cordero tsitsinaxuba siete po cuiy-
 obetha xua barapo diboro catsataba, bapoxonaе
 peitaboco moya ducua saya be ainya dapaey-
 obe. ² Bapoxonaе tan siete poyobe matatsunpiwi,
 pomonaе xua umena Nacom peitabaratha tatsi.
 Barapo matatsunpiwi daxita barompaya catsi-
 batsi siete xoyobe xua pocotsiwan pecaobiwan,
 po pecaobiwan pewun trompeta. ³ Bapoxonaе
 pirapaeyo patopa ichun matatsunpin. Barapo
 matatsunpin capatopa xua be coroto xua pocot-
 siwa oro nain coroto. Barapo oro nain corot-
 totha boca petuxuei tsapato xua petautsinexa
 Nacom nexa. Barapoxonaе barapo matatsun-
 pin yutabotsiya tautabota xua ichaxota pocot-
 siwa be pexaethopaewa, bichocono tuxuei tsuru-
 cuae. Barapo matatsunpin uncua ichaxota pocot-
 siwa be pexaethopaewa ichaxota tauteiba petux-
 ueiwan, po petuxueiwan xua tuxusi exaneiba

Nacom nexa. Bapoxonae barapo matatsunpin catatsi nawita xua petuxueiwan. Pomonae Nacom peantobewixaetsi poxonae tsipaebeiba Nacom, barapo jumein yawa muxuna jujuinya Nacom beicha barapo petuxueiwa xua poxonae tauta. Baraxua xua be pexaethopaewa ichaxota xua tauteiba petuxueiwan, baxua Nacom pia pexeinya peecaethopaewa itabaratha tatsi uncua. ⁴ Barapo petuxuei tuxusi mureiwa matatsunpin pia maxu wetajujuinyatsi Nacom peitabara beya yawa athabe muxuna jujuinya pejume, po jume xua jiwi poxonae tsipaeiba Nacom. ⁵ Bapoxonae barapo matatsunpin barapo oro nain coroto pita, yawa barapo corototha bichocono wunca exana iso itere, po itereton xua taxua barapo petuxusi exanathopeibiwatha. Bapoxonae daxita baxua po irathe xuba, bapoxonae yamxu busi, yawa jerajerei, yawa ira jijiyatano po cae pin nacuatha tsique.

Meje yabara po diwesi xua trompeta xua peao-biwan

⁶ Barapo siete poyobe matatsunpiwi daxita barompaya nacui wunaeta pia trompetan xua peobinexa.

⁷ Pon xua copiya, bapon oba pia trompeta. Bapoxonae othopeica be ibotixi, pocotsiwa xua benata ichaxota po eman bichocono aque. Yawano muxuna iso itere othopeica. Yawa muxuna othopeica pocotsiwa be pejanan. Daxita baxuan matatsunpin iratha bebaichica. Bapoxonae ichaxota acoibi po iranbe tsitsiniya, cae iran jiwana wetataxua tsiniya ainya irabe

jopa daichiyo. Matautano taxua ichaxota acoibi po unube tsitsiniya, cae unun jiwana wetataxua tsiniya ainya unube jopa daichiyo. Matautano naepanaewan ichaxota acoibi po wexuabe tsitsiniya, cae wexua jiwana wetataxua tsiniya ainya wexuabe jopa daichiyo.

⁸ Bapoxonae equeicha ichan matatsunpin oba pia trompeta. Bapoxonae pocotsiwa be demxuwa taxuapona. Barapo demxuwa xubatsi pin mar mentha, yawano pin mene mar pejana mene tsanaya. Dos po pin mar menebe jopa daichiyo. ⁹ Po pin mar mentha pejana tsanaya baxota duwei werapa, po duwei jinompa baxota. Matautano jeran fobaba pocotsi naein bichocono pin naein.

¹⁰ Bapoxonae equeicha icha matatsunpin xua tres poyobetha, bapon pia trompeta oba. Bapoxonae opiteito, poto pinto jopeica itaboco wetsica po irathe tsique, yawa taxuayecapona icha banaxuto ichi. Barapo pin opiteito jopeica mentha xua yawa jopeica ichaxota ira baxupana mene mene natsibotarucua. Saya xua daxita mentha aibi. Saya poxonae tres po menebe bara cae mentha jopeica, yawa jopeica xua cae ira baxupana mentha. Icha ira baxupana menthabe jopa daichiyo.

¹¹ Barapo pin opiteito wun dutatsi “Amargura”, jei, po jume xua “Atsu”, jei. Daxota poxonae jopeica barapo mentha mene atsu tsanaya. Pinmonae jiwi werapa poxoru apa barapo peatsu mera.

¹² Bapoxonae equeicha icha matatsunpin xua cuatro poyobetha pia trompeta oba. Bapoxonae jiwana muxunene weabe exana xometo. Ainya muxunenepabe jopa daichiyo. Yawa jiwana muxunene weabe exana jomocoichato. Ainya

muxunenepabe jopa daichiyo. Yawa jiwana weabe exana opitei. Icha opitei nacopaba. Poxonae acoibi po opiteibe dudubena tsiniya, bapoxonae cae opiteito jiwana weabe eexana tsiniya. Yawa ainya opiteitobe jopa abe eexana tsiniyaeyo. Po opitei abe exanatsi jopa xanepanaya pentha tsurubenaeyo. Yawano jomocoichato muxunenepa, po muxunenepa abe exanatsi, jopa pentha tsurucuaeyo. Yawa xometo muxunenepa, po muxunenepa abe exanatsi, barapo muxunenepa jopa xanepanaya pentha tsurucuaeyo. Daxota mataqueitha tsiwiyo quiriquirica, yawa merawi bichocono nama.

¹³ Bapoxonae pirapaeyo tan matatsunpin pon be cuiyausi xua juinya pupuna ducuaanaebiya itabocotha. Bapon jume daunweya jeye: “¡Pai jiwi tsobenae xua barapo jiwi abe exanaeinchi pomonae jinompa po iratha deque xua poxonae jume taena xua poxonae matatsunpiwi obina trompetan, tsipei acoibi poyobe matatsunpiwi cataunxuae jopa obiyobe anoxuae!” jei bapon, pon be cuiyausi.

9

¹ Bapoxonae equeicha icha matatsunpin xua cinco poyobetha oba pia trompeta. Bapoxonae tan pon xua be opiteito jopeica iratha bayatha, xua peitaboco wejopeica. Bapon catatsi po coyenetha itacupatsi xua pecoibo saranaxubiwa tsane barapo pin muthu deca xua ira bereca.

² Bapoxonae bapon coibo saranaxuba. Barapo muthu coiboto tsina be pin tsuxu jujuina, po tsuxu icha pabi coicha tsuxu ichi poxonae pin pabi.

Barapo tsuxu po irathe naquitaba exana yawa xometo naquitaba exanano. ³ Barapo tsuxu weya pupuna sure, xua daxita iranthe pupuna. Barapo sure catatsi, pocotsi coyene icha puto ichi xua poxona naca cawata. ⁴ Barapo sure itorobatsi xua jopa abe peexanaewa tsane naepanaewatha xua wexotha xuwa yawa xua tsica naexi. Yawano xua jopa abe peexanaewa tsane naeinthi. Saya jame itorobatsi xua abe peexanaewa tsane jiwitha pomona Nacom jopa itapa tinaeyo. ⁵ Ichitha jopa copatsiyo xua jiwi pejutebiwatsi tsainchi. Saya jame copata xua saya jiwi atene exanaeinchi beya poxona cinco po xometiyobe tsane. Barapo peatenewa bichocono atene icha be poxona ichi xua poxona ichun cawatatsi puto.

⁶ Barapo mataqueitha, po mataqueitha jiwi bichocono atene tsane, cuinaya bewerapabenaena ichitha jopa cuinaya werapabena tsane.

⁷ Sure be cawayumonaen nacui wunaeta xua penabinexa. Barapo suremonaen mataina pocotsiwan be tepan be pocotsiwan penainton xuan pewun oro nain. Matauta peitabaran be jiwi itabaran. ⁸ Pentanan bichocono antanapiiya be yabuxi, pewanon awanoyei be neuthu wanon. ⁹ Pia pepon tsebocon dubena be penain xuan baxota penayaewatsinexa, po penain pewun hierro nain matawun. Pecuarafein busin be cawayu busin poxona cawayu cacuinaejjinca ainya naen xua cawayu pecapona naexi xua penabiwa tsane. ¹⁰ Pebosoton be puton bosoton xua e dubena. Pia pebosotontha itacupatsi xua abe peexanaewa jiwitha xua beya poxona cinco po xometobe. ¹¹ Barapo suremonaen

xeina pia pentacaponaein, po pentacaponaein peewatsin barapo pia pin m̃th̃, po m̃th̃ ira bem̃th̃ taerucuaeca. Barapo matatsunpin pon suremonaein pia pentacaponaein tatsi hebreo jume w̃ntha “Abadón”, jei. Seicaya griego jume w̃ntha “Apolión”, jei. Barapo jume w̃ntha jeye: “Pon Pecaewitaxubin daxita”, jei.

¹² Baxua weta xua copiya abe peexanaewan, ichitha awiya seica ainya peabe coyenewabe.

¹³ Bapoxonae equeicha icha matatsunpin xua seis poyobetha oba pia trompeta. Bapoxonae jume tan xua cueicueijei cuatro po pentetobe weya. Barapo cuatro po pentetobe umena pem̃x̃ub̃r̃th̃ xua be pexaethopaewa xua ichaxota tauteiba petuxueiwa xua tuxusi exaneiba Nacom nexa. Baraxua xua be pexaethopaewa daxita matapaeicha juma catsababa oro nain. Baraxua Nacom pia pexeinya peecaethopeibiwa itabaratha tatsi uncua.

¹⁴ Barapo matatsunpin xua pon seis poyobetha xua pon pia trompeta xeina barapo jumetha tsipaebatsi barapon. Barapo matatsunpin jeichichi: “Barapo cuatro poyobe matatsunpiwi pomonae max̃ cubebatsi max̃ isacapende xua pomonae umena ichaxota po mene pin mene, po mene pew̃n Eufraates”, jei. ¹⁵ Bapoxonae barapo cuatro poyobe sorobabatsi, xua jiwi pejutebiwa tsainchi. Icha bicheito jutebatsi. Dos po bicheitobe jopa jutebichi. Barapo cuatro poyobe bayatha cui w̃naetatsi xua po horathe nexa, yawa xua po matabithe nexa yawa xua po xometothe nexa yawa po weithe nexa xua poxonae pesorobabiwatsi tsainchi. ¹⁶ Jume

tan xua pia soldadomonaē yabara paeba xua pomonaē bichocono ayei xainto bicheiton, jeye: “Bapon doscientos millones xeina po soldadomonaē cawayutha pona”, jei.

¹⁷ Xua xuan tan cawayumonaēin iche: Pomonaē cawayutha eneica pentacaritha cajijinca penain bocoton, petsobiwanno, yawa pesu̯jeiwanno, yawa pedaedaenaewanno. Barapo cawayumonaēin peitabaran be neuthu̯ itabaran. Barapo cawayumonaēin pecoiboton tsina iso itereton tajujuinatsi xua tsu̯xu̯ tsobia, yawano icha tsu̯xu̯no xua coicha su̯jei. Yawano icha coicha po tsu̯xu̯ coicha daena.

¹⁸ Pin bicheitomonaē werapa tsipei barapo cawayumonaēin pecoiboton tsina tajujuinatsi iso itere, petsu̯xu̯no xua su̯jei, yawa icha tsu̯xu̯ po coicha bichocono coicha daena. Dos po bicheito cuntyobe jopa daichiyo. ¹⁹ Barapo cawayumonaēin pecoiboton tajujuinatsi pia peayapusu̯wan tatsi yawano pebosoton tsinano. Barapo cawayumonaēin bosoton be jomon matanaēin. Barapo jomo matanaēintha jiwi abe exainchi.

²⁰ Ichitha ichamonaē pomonaē jopa werapaeyo barapo pewerapaewantha, barapomonaē jopa pentsiyo abe pia peexanaē coyenewan. Matautano jopa barapentsiyo xua antobeya wu̯naē pejainchiwa caurimonaetha. Matautano jopa barapentsiyo po nacom oro nainto nacom, yawa plata nainto nacom, yawa bronce nainto nacom. Yawano wu̯naē jainta ibo nacom. Yawano wu̯naē jainta naē nacom. Barapo nacomu̯nmonaē jopa itacu̯paetsi xua penecotsiwa. Yawa jopa

itac̣paetsi xua pejume taewa. Yawa jopa itac̣paetsi xua peponaewa. ²¹ Matautano jopa barapentsiyo xua ichamonaē pejutewiwatsi. Yawano matauta jopa barapentsiyo po coyene xua mara peexanaewa pia coyenewan tatsi. Yawano jopa barapentsiyo xua penata siwa xeinaewa yaḅxitha. Matautano jopa barapentsiyo pecaibi coyenewan.

10

Meje yabara po diwesi xua matatsunpin capona tsica dibiriyo

¹ Xan ponxaein Juan, bapoxonae equeicha tan icha matatsunpin pon bichocono peayapuṣn xua peitaboco wetsica pona po irathe tsique. Barapo matatsunpin tsaquinaebowa muxuna dederaguiya duneica. Yawano matatsun uncueicatsi coinwawa. Peitabara bichocono itabara pentha icha xometo ichi poxonae pentha. Yawa pesitobe be isoto coicha xua bichocono coicha tsobia. ² Tsica dibiriyo pecobetha capona xua iṭaduta. Po sito xua pecoxa weya pin mar mentha uncua, yawa po sito petsocona werena iratha uncua. ³ Bapoxonae bapon jume daunweya wawai be poxonae neutḥ jume daunweya fiba. Poxonae bapon wawai, bapoxonae jume tan xua be jurujurei yaṃx̣ siete po jumeyobe xua paeba. ⁴ Poxonae baxua najume weta xua be jurujurei yaṃx̣ siete po jumeyobe xua paeba, pontaban xua tatinaenexa xua baxua paeba. Ichitha jume tan pon peitaboco wenetsipaebica. Nejei: “Moya yaẉn xeinare yawa jopa tinaeinde xua barapo siete jumeyobe xua be jurujurei yaṃx̣”, nejei.

⁵ Bapoxonae barapo matatsunpin pon xua po sito pecoxa weya uncua pin mar mentha yawa xua po sito petsocona weya uncua iratha, bapon namax_u yoicha peitaboco beicha po max_u xua pecoxa weya. ⁶ Matatsunpin pon namax_u yoicha peitaboco beicha po max_u pecoxa weya, bapon jeye: “Nacom, pon ataya popona, bapon itaboco forota. Bapon irano forota, pin mar meneno forota. Daxita ichawan muxuna forotano, pocotsiwa itabocotha dubena yawa pocotsiwa irathano xaina yawa pocotsiwa pin mar menthano jionmpa. Barapon peitabaratha tatsi uncuan. Bara xaniwaicha paeban bapon peitabaratha tatsi. Yabara tsiw_unae muxu dutan: ‘Equeicha daxua aibi xua peewatsiwa’, jan”, jei matatsunpin. ⁷ Equeicha barapo matatsunpin jeye: “Poxonae matacabi patopaena po mataqueitha icha matatsunpin obina pia trompeta xua siete poyobetha, bapoxonae Nacom nacui j_utsina xua daxita wetsina. Nacom wetsina xuan pocotsiwan caena bayatha Nacom yabara tsiw_unae muxu duta piamonae tatsitha, pomonae Nacom peitorobi jume pepaebiwi. Barapocotsiwan xua Nacom yabara tsiw_unae muxu duta, baxuan jiwi jopa yaputaeyo poxoru jopa Nacom yatsicaewa tsita it_utsiyo jiwitha”, jei barapo matatsunpin.

⁸ Barapo jume pon xua itaboco wenetsipaebica, bapon equeicha netsipaeba, nejei: “Ponare yawa pire barapo dibiriyo xua po dibiriyo nait_utarucua. Barapo dibiriyo pire, po dibiriyo barapo matatsunpin comauncua. Barapo matatsunpin pon po sito pecoxa weya uncua pin mar mentha, yawa uncua iratha po sito petsocona weya”, ne-

jei. ⁹ Bapoxonae matatsunpin beya ponan yawa w^hcan barapo dibiriyo, janje: “Necare barapo dibiriyo”, jan. Nejume nota, jeye: “Moya pire, moya yawa xaema barapo dibiriyo. Poxonae barapo dibiriyo xaename necoibotha catsijain x-icaena be banto tsane. Ichitha necotsorotha atsu tsane”, nejei matatsunpin.

¹⁰ Bapoxonae barapo matatsunpin wecobe pitan barapo dibiriyo yawa xan. Poxonae xan netsicoibo xeica be banto ichitha tacotsorotha bi-chocono atsu tsanaya. ¹¹ Bapoxonae netsipaeba, nejei: “Xam bewa equeicha yabara tsiw^hnae muxu dutsiya paebiname po coyene bayatha Nacom yabara paeba jiwi, xua ainya nacuanpiwi, yawa pomonae barompaya pijume pepaebiwi, yawano pomonae jiwi itorobiya pia pepa peewat-siwichi”, jei xua pon netsipaeba.

11

Mejeyabara po diwesi xua dos ponbe, ponbeyat-sicaewa Nacom pia petapaebinchibe xua petaex-aebe pocotsiwa Nacom exana

¹ Bapoxonae necata naeto pocotsiwa xua peepa cana^hbiwa. Yawano matatsunpin nejei xua Nacom tapaebatsi: “Asiya uncuare yawano pire barapo naetiyo. Bapoxonae Nacom pin pia bo beya ponare, yawa bara po bo epa cana^hbare. Yawano epa cana^hbare xua be pexaethopaewa ichaxota tauteiba xua petuxueiwa xua tuxusi ex-aneiba Nacom nexa. Yawano ununare pomonae baxota Nacom w^hnae jaintatsi, pomonae yatsi-caewa Nacom peantobewichi. ² Ichitha jopa pana epa cana^hbinde, po pana pesato beya boca

ichaxota Nacom pia pepa pin pia bo tatsi uncua. Tsipei barapo pana ichamonae catatsi pomonae penanapaincha jinompaewi xua icha nacuan werena peponaewi, pomonae Nacom jopa pejume cowantsiwichi. Barapomonae abe exanaena Nacom pia pexeinya tomara tatsi po tomara xua barapo cae pin nacuathe xua beya cuarenta y dos po xometobe yacui nacui wetsiya jopaena. ³ Xan itorobin dos poyobe, ponbe xua inta yatsicaewa paebinabe xua petaexaebe xua pocotsiwa exanan. Baponbe inta yabara tsiwanae muxu dutsiya paebinabe jiwitha xua beya un mil doscientos sesenta po matacabinbetha tsane. Baponbe jume xatatsinbe pocotsi paparuwa xua axun, xua jiwi nama xatabeiba poxoruwecoyei”, nejei matatsunpin xua Nacom tapaebatsi.

⁴ Barapo pebinbe ponbe xua inta paebabe, baponbe ichawa yabara caunutatsibe. Caena bayatha Nacom pia peitorobi jume pepaebin, pon pewun Zacarías yabara tina olivo naebe, yawa yabara tina ainyawabe pocotsiwa petabuyubeibiwa pecoichan. Barapocotsiwanbe caunuta xua ponbe inta paebabe. Barapo ainya olivo naebe yawa barapo ainyawabe xua pecoichan petabuyubeibiwa umena pentacaponaein peitabaratha tatsi, pon po cae pin nacuepiwi pia Pecanamataxeinaeinchi tatsi. ⁵ Icha ichamonae ichichipa xua baponbe abe peexanaewatsibe baponbe itacupatsibe xua weraweraca peexanaewabe barapomonae pecoiboto tsina icha be pocotsi coyeneya metha ichipabe xua poxona daxita weraweraca exanabe poxona be isoto tajuinatsibe.

Barapo isototha baponbe omeicha tautabe pia peaitafaetabiwichi jiwitha. Barichi werapaena pomonae ichichipa xua baponbe abe peexanaewatsibe. ⁶ Baraponbe xeinabe pia peitorobi coyenewa xua itacupatsibe peitaboco acatsiwa tsanebe xua jopa ema peruneicaewa tsane. Baxua itacupatsibe xua exanabe poxonae baponbe po matcabitha cataunxuae Nacom tapaebi ducuaenaebiyatsibe. Matauta baponbe pia peitorobi coyene xeinabe xua meratha equeicha pejana tsanaya exanabe. Matautano baponbe itacupatsibe xua exanabe poxi xua abe exana iratha. Ainya coyenein baponbe exanabe xua xuan be pocotsi coyeneya ichichipabe xua peexanaewabe.

⁷ Poxonae baponbe nacui wetsinabe xua tapaeba ducuaenaebiyabe xua Nacom tapaeba ducuaenaebiyatsibe, bapoxonae juinaena po muthu pin muthu tsina pon ayei pon bichocono abe peexanaein. Baraponbe be xua butsibe natsicotainchi yawa amanayabinchibe xua tupa peexanaenexatsibe. ⁸ Petupaeinbe saya pesatotha bocaenabe tomara namtotha, po pepa tomaratha ichaxota matha naetotha tupa exanadutatsi pon jiwi Pecanamataxeinaein xua baponbe pia Pecanamataxeinaeinchibe tatsi. Jiwi barapo pepa tomara yabara jeichiya jeye: “Barapo Jerusalén tomarapiwi apara be ‘Sodoma tomarapiwi’, jei, yawa barichi be ‘Egipto nacuapiwi’, jei”, jei jiwi. Jiwi barapo Jerusalén tomarapiwi yabara caunutsiya paeba tsipei caena bayatha Sodoma tomarapiwi abe peexanaewimonae. Yawa iru Egipto

nacuamonaepiwi abe peexanaewimonaе, icha barapo pepa tomaramonaе ichi xua Jerusalén tomara xua abe exana. ⁹ Daxita pomonaе tomarapiwi jiwana, irano tsicamonaeyo jiwana, irano pomonaе barompaya icha jumexitha pecueicueijeі jiwi jiwana, irano daxita pomonaе nacuanpiwi jiwana, daxita barapo jiwimonaе taeumenaena barapo petupaеinbe. Baponbe petupaеinbe bocaenabe acoibi po matabibе yawa xua equeicha bara caetono. Daxita barapomonaе pomonaе taeumena, jopa copatsi tsane xua ichamonaе bara petupaеinbe pemathathu xubiwa tsainchibe. ¹⁰ Pomonaе xua jinompaena po irathe junteмиya jinompaena xua petupaexaеbe baponbe. Daxota daxita barapomonaе juntu coyene weiweinaena, yawano daxota barapomonaе nantiya nacatsibina pocotsiwan amanaya penacatsibiwan. Barapomonaе baxua exanaena tsipei ajumeitafaetabi tsane pocotsiwa paebabe Nacom nexa, ponbe Nacom peitorobi jume pepaеinbe.

¹¹ Ichitha poxonaе yapu caewinaba acoibi po matabibе yawa xua equeicha bara caeto bocaenabe, bapoxonaе equeicha Nacom asu exanaenabe. Bapoxonaе asiya uncuaenabe. Daxita pomonaе xua poxonaе baponbe taeinchibe, bi-chocono junuwina. ¹² Bapoxonaе baponbe jume taenabe xua pon itaboco wetsica jume daunweya baraunchi tsainchibe, jeі tsainchibe: “iBara wepa-juinamebe!” jeі tsainchibe. Bapoxonaе baponbe itaboco beicha juinyaenabe tsaquinaebowatha yawa pu taeumenaеinchibe pia peaitafaetabi ji-

wichi. ¹³ Barapoxonae caena ira jijiyatsina bichocono. Ichaxota diez po bonbe uumena tsiniya cae bon jiwana othopa jujuincaena, nueve po bonbe tsiniya jopa daichi tsane. Siete mil po pebiwi matabuxumonaebe werapaena ira pejijiyatsixae tsane. Pomonae jopa werapae tsane bichocono junuwina daxota Nacom wuna jainch-inchi, po Nacom itaboco beequiya.

¹⁴ Bayatha nacui weta xua dos xoyobe xua daxita jiwi atene tsane bichocono. Ichitha imoxoyo equeicha methaunxuae tsane ichawa pocotsiwa acoibi po cuiyobe nexa pocotsiwa xua jiwi bichocono atene tsane.

Meje yabara po diwesi poxonae xua matatsunpin xua pon siete poyobetha oba pia trompeta

¹⁵ Barapo matatsunpin xua pon siete poyobetha pia trompeta oba. Bapoxonae pejume itaboco wetsica jume daunweya jeye:

“Po coyene xua jiwi itorobiya peewatsiwatsi
barapo cae pin nacuathe, anoxuae barapo
peitorobi

coyenewa Nacom pon Wanacanamataxeinaein
piawa irano Mesías pon Nacom pia
peitorobarecaein, bapon piawa tatsi.
Baponbe daxita jiwi itorobiya ewatsinchi
barapo cae pin nacuathe xua ataya tsane”,
jei pomonae xua itabocotha jume
daunweya wawai.

¹⁶ Bapoxonae tan barapo pitiri jiwi, po pitiri jiwi veinticuatro poyobe. Barapo pitiri jiwi ena pia pexeinya peenaethopeibiwatha, Nacom

peitabaratha tatsi. Barapo pitiri jiwi pentabo-
cototha irabe taeumendeca xua Nacom wɪnae
pejainchinexatsi. ¹⁷ Barapo pitiri jiwi jeye Na-
comtha:

“Xam pata Nacom, ponxaem jiwi
Necanamataxeinaem pajɪntɪ coyene
weiweinan xua pocotsiwa painta neexanaexae.
Xam barapo pata Nacom, pon
neayapusɪ itorobi coyenewantha neexanaein.
Xam pon anoxuae ataya poponeibiname yawa
xua caena bayatha ataya poponeibameno,
yawano xua bexa tsane ataya poponeibinameno.
Tsipei anoxuae po mataqueithe nama tamropata
pitabame jinya neayapusɪ itorobi coyenewa
xua tsita itɪtame xua poxona daxita
carepaya nacuanpiwi itorobiname.

¹⁸ Daxita nacuanpiwi cacaseba, ichitha
anoxuae matabi patopa, po mataqueitha
bichocono anaya atene exanaename
barapomona abe peexanaexae.
Yawano barapo mataqueitha daxita jiwi
yabara paebiname xua
penatsicuentisiwa pomona xua wɪnae
peexanaewi irɪ pomona xua abe peexanaewi.
Daxita barapomona bayatha werapa.
Barapo mataqueitha irɪ pomona xua cata
nacuɪta, pomona jinya neitorobi jume pepae-
biwi,
irɪ pomona xua pejɪntɪ coyene xanepanaewi,
barapomona matabɪxɪmonaebɛ catsibiname
pocotsiwan xua bayatha jɪntana jebame
xua nematomatsiwan.
Barichi catsibiname pomonaetha pomona jopa

judiomonae naexanaeyo pomonae bequein bara ichamonae saya pecui pawimonae, matautano bequein bara ichamonae peainya cui jiwimonae. Ichitha xam saya bara catsita najupa. Matautano barapo mataqueitha daxita omeicha atene exanaename pomonae abe peexanaewi barapo cae pin nacuathe”,
 jei barapo pitiri jiwi.

¹⁹ Bapoxonae Nacom pin pia bo tatsi nacoibo saranaxuba xua itabocotheicha. Barapo Nacom pin pia botha jiwi tane pocotsiwa xua ichawa yanta xatatababota xua be caja. Barapo cajatha boca Nacom petinae diwesi, pocotsiwa xua Nacom yabara tsiwuna nae muxu duta pomonaetha pomonae pia petanacuichiwichi pocotsiwa bexa Nacom taexanaena xua barapomonae taexanae inchi. Bapoxonae yamuxu busi xua be jurujurei yawa jerajerei. Matautano ira jijiyata, yawano nawita othopeica xua dederawa, pocotsiwan benata poxonae po eman ichaxota bichocono aque.

12

Meje yabara po diwesi xua petsiriwa yawa pon pinyo, pon be jomowabi, bapon pon be Joyoinya

¹ Bapoxonae itabocotha naituta xua pocotsiwa bexa exanaena po cae pin nacuathe tsique. Tan petsiriwa powa nama xatata po paparuwa bichocono wuna nae, icha be xometo ichi poxonae pentha. Bapowa nataxu yutuncua jomocoichatotha. Barapowa mataina tepa, po tepatha doce xoyobe xeina opitei. ² Bapowa yaporowa jina pexuyo. Bapowa wawai tsipei atene, poxoru

pexuyo naexana imoxoyo. ³ Bapoxonae itabocotha equeicha naituta ichawa. Tan pon pinyo, pon be jomowabi, pon be Joyoinya. Bapon pon be Joyoinya bichocono tsobia yawa siete po pentasipabe xeina yawa diez po pentetobe xeina. Daxita carepaya pentasipantha mataina tepan. ⁴ Pebosototha ira bereca bebaireca opitei. Ichaxota acoibi po opiteitonbe dudubena tsiniya cae opiteiton jiwanan abe eexana tsiniya. Barapon pon be Joyoinya ewatuncua, yabuyo ewatuncuatsi, powa xua imoxoyo exanaena pexuyo. Bapon pon be Joyoinya ichichipa xane pexuyo poxonae naexanaena. ⁵ Barapo petsiriwa tanaexanatsi pexuyo pebin wuto. Barapo pexuyo, po pexuyo poxonae wichaba itorobiya ewata pomonae jinompa po cae pin irathe xua daxita carepaya nacuantha. Bapon daunweya beta ewata barapomonae icha pon oveja peewatsin ichi xua poxonae daunweya beta ewata ovejan. Bapon exana baxua naewa xua be naebarapato. Poxonae barapo pexuyo naexana, pitatsi yawa capoinchi Nacom pia pexeinya peecaethopaewatha beicha. ⁶ Bapoxonae barapo petsiriwa naetsiriwa ira xuepana susato tsurucuae nacua beya. Baxotiya Nacom tsiwunaeta xua pia ira nexa yawa xua bapowa pexaewa peapatsinexatsi mil doscientos sesenta matabibetha.

⁷ Bapoxonae itabocotha matatsunpiwi naba. Matatsunpin pon pewan Miguel, bapon matabapona pia matatsunpiwi. Irura pon be Joyoinya, bapon pia matatsunpiwi matabapona. Daxita barapo bicheito nantiya naba. ⁸ Ichitha pon be Joyoinya ira pia matatsunpiwi tatsi jopa

cui jupaetsi xua Miguel peamanayabaxubiwatsi yawa xua pia matatsunpiwi tatsithano. Daxota pon be Joyoinya yawa pia matatsunpiwi tatsino jopa cui jupaetsi xua peitabocotha pejinompaewa tsipei amanayabapentatsi. ⁹ Bapon pon be Joyoinya yawa pia matatsunpiwi tatsino itawetsicatsi po irathe tsique. Bapon pon be Joyoinya pon caena bayatha yabara paebatsi xua jeye: “Bapon apara jomo”, jei. Bapon caurimonae pia pentacaponaein tatsi xua icha wun pewun Satanás. Bapon pon jiwi pemuxujainyabeibin pomonaetha pomonae jinompa daxita po cae pin irathe tsique.

¹⁰ Bapoxonae itabocotha pejume jume tan pon xua jume daunweya wawai, jeye:

“Anoxuae Nacom naca capanepa exana pia peayapusu itorobi coyenewatha xua pon be Joyoinya jopa wanacanamataxeinaenexa. Yawano anoxuae Wanacom itorobiya ewata daxita carepaya nacuantha pomonae jinompa po cae pin irathe tsique.

Yawano anoxuae Nacom Mesías catatsi pia peayapusu itorobi coyenewa pon Nacom pia peitorobin tatsin.

Daxita barapo coyenein anoxuae pata, tsipei pon be Joyoinya itawetsicatsi po cae pin irathe tsique.

Pon Nacom itawetsica, bapon wajiwiwimonaetha, pomonae jume cowanta Nacom, abeya muxujainyabeibatsi merawitha yawa mataqueithano xua Nacom peitatha tatsi.

¹¹ Wajiwiwimonaetha pomonae iru xua pejume cowantsiwi Nacom, barapomonae amanayaba

bapontha pejume cowantsixae xua

Mesías tsitupa barapomonaē.

Bapon pon Cordero, xua pon oveja pebto penun.

Yawano amanayaba bapomonaē tsipei Mesías

yabara paeba dubenanaebiyatsi pocotsiwa

bapon barapomonaē taexainchi.

Barapomonaē amanayaba, tsipei najei: ‘Bequein

bapon pon be Joyoinya ichichipa naca juteba

ichitha jopa junuwichi xua werapaeinchi.

Awia jume cowanta dubenanaebiyaeinchi

Nacom’, najei.

¹² ¡Pajunta coyene weiweinare pomonaē

itabocotha painya nejinompaexae!

¡Daichitha tsobenae pomonaē jinompa

po cae pin nacuathe deque, yawano

xua xuan pin mar mentha jinompa,

tsipei Satanás bara bereca

bichocono anaepanaya patopareca!

Bapon Satanás yaputane xua jopa

bayatha tsaibi tsane poxonaē abe

exaneibina po cae pin nacuathe deque”, jei.

¹³ Poxonaē barapon pon be Joyoinya, pon

Satanás itawetsicatsi po cae pin irathe tsique,

bapoxonaē yabuyo barainatsi, powa xua bayatha

pexuyo exana pebin wuto. ¹⁴ Ichitha Nacom,

barapowa pecuarafe catatsi, ainya cuarafebe

xua cuiyausi piawan. Daxota Nacom cata xua

bapowa tajua beya pepupunaenexa ichaxota

po ira beya xua Nacom bayatha tsiwunaeta,

xua pepupunaenexa pon be Joyoinya weya.

Barapowa pupuna barapo ira xuepana susato

tsurucuae nacua beya. Nacom apata bapowatha

pexaewa tres po weibetha yawa xua seis po

xometobetha. ¹⁵ Bapon pon be Joyoinya pecoiboto tsina mene sutaba xua peaw_ubonexa xua bapowa pemonoxubinexa tsainchi aw_ubotha. ¹⁶ Ichitha ira bapowa yaweinchi. Barapo ira, naira yetaxuba yawa mene apaxoreca, po mene bayatha sutaba bapon pon be Joyoinya. ¹⁷ Bapoxonae bapon pon be Joyoinya bichocono anaepana bapowatha. Daxota bapon nainya pona bapowa piamonae tatsi beya tatsi xua penabinexa. Bapon ba xua b_ut_usi pomonae jume cow_unta Nacom penajume caitorobi diwesi xuano xua paeba dubenanaebiya Jesús pejume diwesi. ¹⁸ Bapoxonae bapon pon be Joyoinya, pon be jomowabi, pin mar mene itapa taetabotha uncua xua pewabinexa ichamonae xua peyawenaenexatsi.

13

Meje yabara po diwesi pon ayei, pon be Corei, ir_uno xua ich_un pon ayei, pon be Metsametsawa

¹ Bapoxonae ich_un tan pon pin mar mene juina pon ayei, pon be Corei. Bapon xeina siete po pentasipabe yawa diez po pentetobe. Daxita carepaya pentetontha mataina tepan. Daxita carepaya pentasipantha tinaduba pew_unxi, po w_unxi xua Nacom abe yabara paebatsi. ² Barapon pon be Corei be neuth_u xua yaquiquibia. Petaxu be tson taxu. Pecoiboto be neuth_u coiboto. Pon petsobian, bapon pon be Joyoinya cata pia peayapus_u coyenewa, pon be Corei catatsi. Yawano muxuna catatsi pia pexeinya peecaethopaewa. Yawano catatsi pia peayapus_u itorobi coyenewa. ³ Cae matasipatha xua pon

be Corei matasipa, wan ducua be poxonaе xua pocotsin tupaena. Ichitha barapo matasipa naawanxaebi exana. Daxita barapo irathe nacuanpiwi nabenaeca, tsipei naawanxaebi exana barapo matasipa. Daxota po irathe nacuanthepiwi jume cowanta bapon, pon be Corei jume cowantatsi. ⁴Barapon pon be Joyoinya wnae jaintatsi, jiwi wnae jainta, tsipei barapon cata pia peayapusu itorobi coyenewa pontha pon be Corei. Barichi pon be Corei wnae jaintatsi, jiwi wnae jainta. Jiwi jeye: “Maisa barapon, pon be Corei ainya cui, peayapusu itorobi coyenewa pexeinaein. Dapon aibi pon pecui jupaewatsi xua bapon peamanayabixubiwatsi”, jei jiwi.

⁵Yawano barapon, pon be Corei copatatsi xua Nacom abe peyabara paebinxatsi. Yawano barapon, pon be Corei copatatsi xua jiwitha peitorobinexa cuarenta y dos po xometobetha. ⁶Bapoxonaе barapon, pon be Corei bara baxua exana, xua copatatsi.

Bapon Nacom abe yabara paebatsi. Matautano Nacom pin pia bo tatsi abe yabara paebatsi. Matautano Nacom piamonaе tatsi, pomonaе jinompa itabocotha abe yabara paebatsi.

⁷Yawano barapon, pon be Corei copatatsi, xua bena xua beinchi pomonaе Nacom pejume cowantsiwichi, beya xua poxonaе barapomonaе amanayabapentsinchi. Yawano barapon, pon be Corei catatsi peitorobi coyenewa, xua daxita jiwi peitorobiwatsi xua pomonaе daxita carepaya tsicamonaеxi peitorobiwatsi. Matautano catatsi xua daxita carepaya tomaranpiwi peitorobiwatsi. Matautano catatsi xua daxita carepaya pomonaе

icha jumeintha pecueicueijeiji peitorobiwatsi. Matautano catatsi xua daxita carepaya nacuanpiwi peitorobiwatsi. ⁸ Barapon, pon be Corei w_hnae jaintatsi xua daxita carepaya po cae pin irathe nacuanpiwi w_hnae jainta. Barapomonae jopa w_hn dubenaeyo diborotha, po diboro pon Cordero xeina pecobetha, pon Mesías pon naetotha t_upa. Barapo diborotha Nacom w_hn duba pejume cow_hntsiwichi caena bayatha poxona Nacom aena forota nacua. Pomonae w_hn dubena barapo diborotha jopa weweracaeyo.

⁹ Paxam pomonae painya nejume cow_hntsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope t_unax_u tatsi paca tsipaeba xua meje:

¹⁰ “Pomonae xua ich_un waetabatsi xua atene peexanaenexatsi barapomonae xuya bara teicaeinchi

ichamonae atene peexanaenexatsi tsane.

Pon xua cusitha namawainta xua ich_un bexubatsi,

bapon xuya cusitha bexubinchi”, paca jei

Nacom pia Pejumope t_unax_u tatsi.

Daxota pomonae pejume cow_hntsiwi Nacom bewa saya j_unt_u coyene daunweya jinompae xua xuya jopa taexanae tsane ichamonaetha xua bequein abe taexanaeinchi ichamonae. Yawano bewa jume cow_hnta dubenanaebiyaena Nacomtha.

¹¹ Bapoxonae tan ich_un pon ayei pon be Met-sametsawa. Bapon ira wejuina. Yawa mate ducua

icha Cordero ichi pon oveja pebto penan. Dai-chitha poxonaе cueicueijeі, be poxonaе cueicueijeі pon be Joyoinya. ¹² Bapon xeina peayapusu itorobi coyenewa, po peayapusu itorobi coyenewa xeina pon be Corei. Bapon pon be Metsametsawa, daxita jiwi itorobatsi xua wunae pejainchinexatsi pon be Corei, pon pia coutha nantasipa awanxaeibi exana. ¹³ Yawano pon be Metsametsawa exana nawita xua pexeinya petsita itutsi coyenewa. Yawano bapon exana xua itorobica itaboco wetsica xua pocotsiwa be isoto xua po cae pin iratha tsique xua jiwi petaenexa. ¹⁴ Barapon pon be Metsametsawa petsita itutsi coyenewa exana pon be Corei peitabaratha tatsi. Barapo petsita itutsi coyenewantha bapon muxujainyaba xua muxujainyabatsi pomonaе jinompa daxita carepaya nacuantha xua barapo cae pin nacuathe. Bapon pon be Metsametsawa itoroba jiwitha xua peexanaenexa ibo nacom xua canaxobiya exana pon be Corei, pon xua xeina pentasipatha xua dejona wan, pon bequein wan ducua, ichitha jopa tupaeyo. ¹⁵ Barapon pon be Metsametsawa peitorobi coyene catatsi xua asu exana barapo ibo nacom pon be Corei. Poxonaе barapo ibo nacom asu tsane, cueicueijeі tsane yawa jutebina daxita pomonaе jopa wunae jainchichi. ¹⁶ Yawano bapon itoroba ichantha xua daxita cobe juma tinaeinchi po cobein pecoxa weya, yawa xua ichacuitha itapa tinaeinchi, xua pomonaе jopa ainya cuiyiyo, iru pomonaе xua peainya cui jiwi, iru pomonaе xua copei pexeinaе jiwi, iru pomonaе peacopeibi jiwino, yawano pomonaе pia coutha penata exanaе jiwi, iruno pomonaе xua pebusi tatayebeibi-

wichi. ¹⁷ Dapon aibi pon itacupatsi xua piawan comoca yawa xua caenaeta piawan icha jopa xeinaeyo barapo pecobe juma tinaewa. Barapo pecatinaewa pon be Corei pewun tatsi, ichacui tha barapo pecatinaewa saya número xua pewun tatsi pia número tatsi.

¹⁸ Beta pananta xeinare xua yabara painya neyaputaenexa baxuan. Pon xua yaputane baxua bu bapon yabara nanta xeina xua pon be Corei pia número tatsi. Barapo número jupa xua pebin pewun. Barapon pon be Corei pia número tatsi baxue: seiscientos sesenta y seis.

14

*Meje yabara po diwesi xua pomonae naxuna
144, 000 po bicheitomonae matabuxube*

¹ Bapoxonae tan Cordero xua oveja pebto penun xua uncua demxuwatha, po demxuwa pewun Sión. Barapo Cordero baru uncua ciento cuarenta y cuatro mil po bicheitomonae matabuxube. Barapo ciento cuarenta y cuatro mil po bicheitomonae matabuxube daxita carepaya itapa tinatsi barapo Cordero pia wun tatsi, yawano xua Paxa tatsi pia wun tatsino. ² Bapoxonae jume tan pejume itaboco wetsica. Barapo pejume bichocono jume daunwei be poxonae xua ainya pin menein busin xua poxonae tajü wemene othopeica. Yawano be poxonae xua yamuxu nameta, yawa be poxonae ainya busin xua pinmonae tanbaba. ³ Barapomonae pomonae tanbaba pexeinya wei naxuna Nacom pia pexeinya

peecaethopaewa itabaratha tatsi, xuano xua barapo cuatro poyobe peitabaratha tatsi xua xuan asu, yawano xua pitiri jiwi pia peitabaratha tatsi. Ichamonaе jopa itacupaetsi barapo wei xua peyaputaewa xua po wei naxuna barapomonaе. Saya jame barapomonaе, pomonaе ciento cuarenta y cuatro mil po bicheitomonaе matabuxabe yaputane barapo wei xua pomonaе po irathepiwi jiwanamonaе, pomonaе bayatha Cordero capanenebiya abe pia peexanaewan weya poxonaе tsitupa barapomonaе. ⁴ Barapomonaе jopa nataxobiyo xua penasi cui exanaewa xua yabuxitha pejeinya enaexae. Yawano barapomonaе exaneiba daxita xua pocotsiwan Cordero itoroba xua poxonaе barapomonaе napuna poneiba ichaxota Cordero poneiba. Barapomonaе capanenebiyatsi, Nacom capanenebiya xua daxita carepaya jiwi jiwanamonaе tatsi xua bapomonaе pecana exanaenexatsi pomonaе bichocono pepa pejuntu coyene xanepanaewi Nacomtha iruno Cordero tha pomonaе xua copiya, pomonaе xua Nacom pejume cowuntsiwichi. ⁵ Barapomonaе jopa penaerabiwi tsipei barapomonaе bichocono pepa pejuntu coyene xanepanae jiwi, Nacom peitabaratha tatsi. Barapomonaе jopa xeinaeyo xua penatsicuentiwa Nacom peitabaratha tatsi xua abe peexanaexae.

Meje yabara po diwesin xua cueicueijeі acoibi poyobe matatsunpiwi

⁶ Bapoxonaе tan ichun matatsunpin xua pupuna itabocotha. Barapo matatsunpin capana

pexeinya jume diwesi po diwesi xua ataya tsiteca, po diwesi xua jiwi pecapanenebiwatsi abe pia peexanaewan weya. Barapo diwesi daxita carepayan jiwi nexa: pomonae daxita nacuanmonaepiwi nexa, iruno pomonae tsicamonaexipiwi nexa, iruno pomonae barompaya icha jumein pecueicueijejiwi nexa, iruru daxita tomaranpiwi nexano. ⁷Barapon jume daunweya paeba, jeye: “Pacunuwiya jinompare Nacom xua beta painya nejume cowuntsiwa. Yawano Nacom wuna paende. Tsipei anoxuae nama barapo matacabi patopa po mataqueitha Nacom yabara paebina jiwi xua penatsicuentiwa xua abe peexanaexae. Wuna paende pon exana itaboco, xuano xua exana pin mar mene, yawa exana ira buxupana mene”, jei barapon pon jume daunweya paeba.

⁸ Ichun matatsunpin cotacaya patopa, bapon jeye: “¡Bayatha Babilonia tomarapiwi wetaxotsi po tomara pepa tomara, tsipei barapo tomara-piwi bichocono abe exana! ¡Barapomonae cuiduba ichamonae xua ichamonae abe peexanae coyene peexanaenexa xua penasi cui exanaewa tsane yabuxitha, xua iru pebiwitha!” jei matatsunpin.

⁹ Bapoxonae ichun matatsunpin patopa, bapon jume daunweya jeye: “Icha ichun wuna jainta ibo Corei nacomtha xua saya canaxoba yawa icha itapa tinatsi, yawa ichacuitha xua icha cobe juma tinatsi, bapoxonae Nacom bichocono casebina bapon xua bapon casebinchi. ¹⁰ Bapoxonae Nacom bichocono abe exanaena bapon. Baxua Nacom exanaena xua bayatha bapon peyabara nacui wunaetsixaetsi. Jopa juniya exanae tsane

poxoru bichocono Nacom yabara anaepana. Barapon bichocono atene tsane poxona Nacom tautsina barapon isototha, yawa xua po tsuxu, tsuxu daena, po tsuxu pewun azufre matawun. Nacom baxua exanaena pia matatsunpiwi peitabaratha tatsi yawa Cordero peitabaratha tatsi. ¹¹ Po isototha Nacom tautsina bapon, barapo iso tsuxu athabe jujuneibiyaena ataya. Barapo petautsiwa jopa itacupae tsainchi xua pewetsiwa mataqueithano, yawa merawithano. Barapo isototha tautinchi pomonae pon be Corei wunae jaintatsi xuano xua barapo ibo Corei nacom wunae jaintatsi, yawano xua barapomonae itapa tinatsi barapo Corei pia wuntha tatsi”, jei matatsunpin.

¹² Pomonae exana dubenanaebiya po coyene Nacom itoroba pia peitorobi coyenewantha, yawano xua Jesús beta jume cowanta dubenanaebiyatsi, barapomonae apara xaniwaicha Nacom piamonae tatsi. Barapomonae tsita itapeinya xeina xua Nacom piamonaetsi tsipei barapomonae bepijawa jopa aitaconaeyo xua peewatsiwa pocotsiwa bexa Nacom exanaena pomonaetha, pomonae abe exana Nacom piamonaetha tatsi.

¹³ Bapoxonae jume tan pejume xua peitaboco wenebaraichica. Nejei: “Baxua tinare: ‘Bu bara juntu coyene weiweina pomonae jume cowantsiya werapaena Jesthath, pon jiwi Pecanamataxeinaein’, jei”, nejei.

Nacom pia Pejumope tuxu tatsi jeye: “Aa baxua. Yawa wetsina pia penacuichiwan po penacuichiwan Nacom taexainchi yawa

naɸina ewatsina Nacom pia nacuatheicha. Po coyene xua barapomonae ʝntɸ coyene xanepana dubenanaebiya, yawa po coyene xua barapomonae beta taexana dubenanaebiya xua ichamonae taexana dubenanaebiyatsi, barapo ʝntɸ coyene barapomonae yawa ponaena Nacom pia nacua beicha tatsi”, jei Nacom pia Pejumope tɸnaxɸ tatsi.

Meje yabara po diwesi xua matatsunpiwi cusin caucuboba po cae pin irathe tsique

¹⁴ Bapoxonae equeicha tan tsaquinaebowa xua inyapana. Barapo tsaquinaebo jumatha eca ponxae itaboco wetsica pona, ponxae Nacom peitapetsinxae. Bapon mataina tepa, yawa co-maeca pocotsiwa be cusi xua xuiyoi. ¹⁵ Bapoxonae icha matatsunpin Nacom pin pia bo weya pona. Bapon jume daunweya wawai pon tsaquinaebo jumatha eca beya, jeye: “ʝBarapo cusi caucubobare yawa jore pocotsiwa xua naweta tsipei barapo matacabi patopa, po mataqueitha naweta po cae pin irathe deque!” jei matatsunpin. ¹⁶ Bapoxonae pon tsaquinaebowatha eca yawa xua cusi co-maeca, barapo cusi caucuboba po cae pin irathe, daxita canacui wetsiya exana.

¹⁷ Bapoxonae equeicha ichɸn matatsunpin Nacom pin pia bo weya pona xua itaboco weya. Barapo matatsunpin cusi capona, po wato bi-chocono xuiyoi. ¹⁸ Bapoxonae equeicha icha matatsunpin pocotsiwa be pexaethopaewa weya pona ichaxota duwei tauteiba xua tuxusi ex-aneiba Nacom nexa. Barapo matatsunpin cana-mataxeina xua tauta pecana exanaewa. Barapo

matatsunpin iru cusi xeina, po wato xuiyoi. Yawa bapon jume daunweya wawai icha matatsunpin beya pon iru pia wato xeina cusi. Bapon jeye: “iBarapo cusi caucubobare yawa nore uva peparun xua po cae pin irathe deque dubena tsipei bayatha naweta!” jei barapo matatsunpin. ¹⁹ Nexata barapoxonae barapo matatsunpin cusi caucuboba yawa nota uva peparun. Yawa barapo uva peparun bebaireca pin pecacubi fetotha xua pemene yucaenexa barapo uva cuei. Icha jiton ichi xua bichocono daunweya cuba uva cuei, bara jata ichi Nacom jiwitha, xua poxonae bichocono atene exanaena jiwitha xua abe peexanaexae jiwi. ²⁰ Barapo uva cuei tomara juma beya cuba. Barapo pecacubi feto wetsina jujuina petsobia mera, be pocotsiwa pejana, beya xua cawayu ponxo jayeichatsi yawa xua iratha iya xua taj u beya xua trescientos po kilómetrobe. Icha jiton ichi uva cuei xua tomara juma beya cuba Nacom jiwitha barichi tsane bichocono atene exanaena pomonaetha pomonae abe peexanaewitha, beya poxonae pejanan taj u ayei tsoponae tsane.

15

Meje yabara po diwesi xua matatsunpiwi capana siete po coyenewabe xua po coyenewa peabe cui coyenewa

¹ Bapoxonae equeicha tan peitabocotha icha pin petsita itutsi coyenewa xua nebenaeca. Tan siete poyobe matatsunpiwi yawa xua cajijinca siete po cui coyenewabe xua po coyenewa peabe coyenewan. Poxonae weta xua exana barapo

matatsunpiwi barapo siete po peabe cui coye-
newabetha bapoxonae Nacom nacui weta xua
poxonae anaya bichocono atene exana jiwi abe
peexanaexae.

² Bapoxonae tan pocotsiwa be pin mene mar,
po pin mene mar copiya tan. Barapo pin
mene mar icha be bosib_u muxupawa ichi xua
penthia. Yawa tan xua muxunaxuba pocotsiwa
be isoto xua itadudubiya. Yawa tan pomonae
amanayaba xua pon be Corei amanayabatsi.
Barapomonae jopa w_unae jainchiyo pon be Corei
yawa pon be ibo Corei nacom, yawano jopa itapa
tinaetsi pon be Corei pew_untha. Barapomonae
imoxoyo caquita umena barapo pin mar mene.
Yawano barapomonae caumena arpa mataw_un
xua pocotsiwa pecatanbabiwan xua Nacom cat-
siba. ³ Barapomonae nax_una Moisés pia wei tatsi,
pon Nacom pia penacuichiwa tatsi taexainchi.
Yawano barapomonae nax_una Cordero pia wei
tatsi, barapo naxobe weibe jeye:

“Pata Nacom, pon jiwi Necanamataxeinaein,
daxita xam exaname bichocono peainya cui
coyenewa yawano bichocono w_unae.

Xam pon, daxita neayapus_u
itorobiya coyenewan xeiname.

Jinya coyenewan bara pexainyeiwan
poxoru beta exaname.

Xam itorobiya neewatsin daxita
carepaya nacuanpiwi.

⁴ Xam pon jiwi Necanamataxeinaein.

Daxita jiwi junuwiya cabar_u cui itura jinaena.
Yawano daxita jiwi w_unae cajainchina tsipei
saya meisa xam nej_unt_u coylene xeicaem.

Daxita carepaya nacuanpiwi patsina xua wɛnae
necajainchinexa tsipei barapomonaе bayatha
tane
pocotsiwa xua betiya xanepanaya exaname”,
jei barapomonaе.

⁵ Bapoxonaе equeicha tan peitabocotha Na-
com pin pia bo. Po boyo tututha uncua barapo
Nacom pin pia botha tatsi po boyotha ichaxota
Nacom popona, barapo tutu nacoibo saranax-
uba. ⁶ Barapo tutu weya matatsunpiwi pona
pomonaе xua siete poyobe yawa capona siete po
coyenewabe xua peabe cui coyenewan. Yawano
nama xataba paparuwan, po paparuwan bi-
chocono inyapana yawano daedaena. Yawa
naepa paba pocotsiwan be coreinya bocoton xua
beya jɛntacari jayabeinatsi. ⁷ Bapoxonaе tan
caein, xua jiwana barapo cuatro poyobe xua xuan
asɛ. Bapon barapo siete poyobe matatsunpiwi cat-
sibatsi coroton xua wɛnba po coyenewan peabe
cui coyenewan pocotsiwan Nacom exanaena, pon
ataya popona. ⁸ Bapoxonaе barapo tututha, bi-
chocono petsɛxɛ wɛnca. Barapo tsɛxɛ Nacom
pia xainya weya tatsi tapichapatsi pon peainya
cuin yawa xua peayapusɛ itorobi coyenewa pex-
einaein. Dapon aibi pon pecopatsiwatsi xua pe-
joniyaewa barapo tututha poxonaе cataunxuae
jopa wetsiyo barapo siete po coyenewabe po coye-
newan peabe cui coyenewan xua matatsunpiwi
capona.

16

*Meje yabara po diwesi xua barapo corototha
xeina siete po coyenewabe po coyenewa xua peabe*

cui coyenewan

¹ Bapoxonae jume tan xua jume daunweya wawai barapo tutu weya, xua wawai barapo si-ete poyobe matatsunpiwi beya, jeye: “Paponare po cae pin irathe deque, yawa barapo siete po coyenewabe po coyenewan xua peabe cui coyenewan xua xeina barapo coroton juntututha baxua paepababare bara bereca. Po coyenewan xua corotontha tsijuntutha xeina baraxuan po coyenein xua Nacom bichocono atene exanaena jiwi penatsicuentsexae xua abe peexanaexae Nacomtha”, jei.

² Matatsunpin pon xua ichaxota ba “uno”, jei, bapon copiya piawa epataba. Bapoxonae pomonae itapa tinatsi xua pon be Corei pewan tatsi, xuano xua wanae jainta ibo Corei nacom, bapomonae barapoxonae nainya xeina xua peaperubewan xua bichocono aperutane.

³ Bapoxonae equeicha icha matatsunpin pon ichaxota ba jei “dos”, jei, bapon piawa epataba pin mar mentha. Bapoxonae barapo pin mar mene bichocono mene janowanaya be poxonae xua petupaein boca. Barapo pin mar mentha daxita werapa xua xuan baxota jinompa.

⁴ Bapoxonae equeicha ichan matatsunpin pon xua ichaxota ba jei: “tres”, jei, bapon piawa epataba meneintha yawa ira baxupana meneintha, bapoxonae barapo menein be pejanan tsanaya. ⁵ Bapoxonae jume tan barapo matatsunpin xua yapucauncua barapo menein. Bapon jeye:

“Nacom maisa xaniwaicha betiya yabara paebame poxonae atene exaname jiwi xua

penatsicuentsexae xua barapomona
bichocono abe peexanaewi.

Bapana jopa abe exanaem.

Xam nejuntũ coyene xeicaem,
yawa xua pon anoxuae nepoponaem,
yawa xua pon caena bayatha nepoponaemno.

⁶ Tsipei barapomona jinyamonae jutebatsi,
yawano tsipei jutebatsi pomona
neitorobi jume pepaebiwi.

Daxota barapomona xuya werapa exaname,
peyantomatsiwa exaname abe peexanaexae
copiya”,

jei barapo matatsunpin Nacomtha.

⁷ Equeicha ichũn jume tan pon cueicueijei pon
uncua ichaxota pocotsiwa be pexaethopaewa xua
ichaxota tauteiba duwei xua tuxusi exaneiba Na-
com nexa, bara weya jeye: “Xam, Nacom pon jiwi
Necanamataxeinaem daxita peayapusũ itorobi
coyewewan nexainaem. Tsipei xam yabara pae-
bame xua jiwi penatsicuentsiwa xua abe peex-
anaexae daxota bewa atene tsane. Pocotsiwa xua
exaname bara xaniwaicha betiya exaname, tsipei
bapana jopa abe exanaem”, jei pon xua paeba.

⁸ Bapoxonae equeicha icha matatsunpin
pon ichaxota ba jei “cuatro”, jei, bapon piawa
epataraba xometotha. Barapo matatsunpin
xometo catatsi po coyene xua xometo exanaena
xua jiwi petautsinexatsi xua xota bichocono atsa.

⁹ Bichocono daxita carepaya jiwi taxuatsi. Ichitha
barapomona icha jũntũ coyene jopa xeinaeyo
matautano Nacom jopa wũnae jainchichi, yawa
barapomona Nacom abe yabara paebatsi
yaitama Nacom xeina peayapusũwa xua itoroba

barapo coyenewan po coyenewan xua peabe cui coyenewa.

¹⁰ Bapoxonae equeicha icha matatsunpin pon ichaxota ba jei: “cinco”, jei, bapon piawa epataraba pon be Corei pia peecaethopaewatha tatsi. Yawano barapon pon be Corei po coyene xua itoroba piamonae jopa xapain piamonae matacaponaeyo be pon xua pona poxonae quireitha. Daxota piamonae tatsi jantꝫ coyene deideijei. Barapomonae peparaxaewa nawano sine. ¹¹ Jopa juniya exanaponaeyo barapo coyenewan po coyenewan xua peabe cui coyenewan, yawano cataunxuae barapomonae exanapona xua Nacom abe yabara paebatsi po Nacom itabocotha eca. Daxota barapomonae Nacom abe yabara paebatsi yaitama Nacom barapo peatene cui coyenewa itoroba yawano xua itoroba peaperatanewan.

¹² Bapoxonae equeicha icha matatsunpin pon ichaxota ba jei “seis”, jei, bapon piawa epataraba po pin mene mentha pewan Eufates. Barapo Eufates mene namto naexaniya xua pepatsinexa pomonae pocotsiwa werenepiwi pomonae jiwi itorobiya pia pepa peewatsiwichi.

¹³ Nexata bapoxonae tan xua pon be jomowabi, pon Joyoinya. Ira tan pon ayei, pon be Corei. Ira tan pon xua naerabiya jeye: “Xan Nacom peitorobi jume tapaebin”, pon jei. Daxita barapomonae barompaya pia coiboton tsina tajujuinatsi acoibi poyobe cauri xua xuan be pocotsiwan cuei. ¹⁴ Barapo caurimonae exana pexainya petsita itatsi coyenewan. Barapo caurimonae ponarꝥcpa xua penacaetuta exanaenexa

daxita pomonae jiwi itorobiya pia pepa peewat-siwichi. Baxua exana xua naba peexanaenexa po mataqueitha Nacom nabenabe pon jomowabi pon Joyoinya. Barapon Nacom daxita peayapusu itorobi coyenewan pexeinaein.

¹⁵ Nacom jeye: “Taema, jemeicha patopaein icha be pon pecaibin ichi poxonae jemeicha patopa. Juntu coyene weiweina pon xua yoyoca tsipei nama xatata paparuwa xua jopa petamsa ponaenexa jiwi itutha xua bapon petaewatsi daxita pia pepon”, jei Nacom.

¹⁶ Daxita pomonae jiwi itorobiya pia pepa pecanamataxeinaewichi, barapomonae nacaetuta ichaxota po iratha pewun Armagedón xua hebreo jumetha. Barapo iratha nacaetuta xua naba peexanaenexa xua po mataqueitha Nacom nabenabe pon be jomowabi, pon Joyoinya.

¹⁷ Bapoxonae equeicha ichun matatsunpin pon ichaxota ba jei “siete”, jei, bapon piawa epataba barapo irathe matatsun susatotha. Bapoxonae itabocotha xua tutu wetsica ichaxota Nacom pia pexeinya peecaethopaewatha baxota jume tan pon xua jume daunweya cueicueijeiya jeye: “Bara bayatha nacui xainwaetaba”, jei pon xua paeba. ¹⁸ Bapoxonae bichocono jerajerei itabocotha, yawa pejumein, yawa bichocono jurujerei. Matautano bichocono ira jijiyata beyacaincha xua poxonae ira jijiyateiba poxonae copiya jiwi aena naexana po cae pin nacuathe xua beya anoxuae. ¹⁹ Po tomara, pepa tomara barapo tomara ainya wanbe exanabe poxonae baxua ira jijiyata. Icha iranthe barichi baxota tomaran

abe exana. Nacom yabara nanta xeina Babilonia tomara tsipei barapo tomarapiwi abe peexanaewi. Daxota Nacom barapo pepa tomara abe exana poxoru bichocono anaepana barapomonaetha. ²⁰ Daxita petunaeton yawano daxita demxuwan aichurubenae xua ira pejijiyatsixae. ²¹ Barichino itaboco weothopeica xua jiwi matatsun othopeicatsi pocotsiwan dederawa xua xuan benata ichaxota po eman bichocono aque. Barapo pedederawiwan bichocono arewe. Bapoxonae barapo jiwi Nacom bichocono abe yabara pae-batsi yaitama Nacom itoroba barapo pedederawiwan pocotsiwa bichocono abe barapomonae nexa.

17

Meje yabara po diwesi xua Nacom itaweta powa xua bichocono penasi cui matacaetsiwa xua weiweina pia paratixichi powa xua yabara caunutatsi Babilonia tomara

¹ Nexata bapoxonae taxantha patopa caein matatsunpin jiwana, po matatsunpiwi siete poyobe yawa xua siete xoyobe matauta capona coroton. Bapon nejei: “Anetha catsita itutinchichi xua yabayoy powa bichocono penasi cui matacaetsiwa xua weiweina. Barapowa eca ichaxota pin mar mene, powaxae xua yabara caunutatsi Babilonia tomara. ² Pomonae jiwi itorobiya pia pepa peewatsinchichi barapo cae pin nacuathe barapomonae yawa muxuna abe nanabar exana bapowa. Matautano daxita carepaya pomonae po cae pin irathe jinompa barapo coyene exana bara jupa, icha barapomonae ichi. Barapowa cana

exana xua barapo jiwi abe exana, tsipei barapo jiwi ichichipa po penasi cui matacaetsiwa bapowa exana”, nejei matatsunpin.

³ Poxonae cataunxuae Nacom pia Pejumope t̃nax̃u tatsi netsita it̃uta baxua, bapoxonae matatsunpin necapana ira xuepana susato tsurucuae nacua beya. Baxotiya petsiriwa tan xua eca pon ayei pon be Corei bapon pejumatha, xua pon tsobia. Bapon daxita carepaya pepontha tinaduba po jumein xua Nacom abe yabara pae-batsi. Yawano bapon siete po matasipabe xeina yawa diez po pentetobe xeina. ⁴ Bapowa nama xatata paparuwa, po paparuwa m̃u s̃ũjei yawa m̃u tsobia. Bapowa yawa napepena xua pocotsiwan pew̃n oro nain, yawano be ibotixi xua pocotsiwan ainya matoman, yawano po warowa xu inyapana xua po warowa xu pew̃n perla. Barapowa pecobetha xeina coroto penain coroto xua oro nain yawa w̃nta pocotsiwan xua be mara, yawa barapowa pia penasi cui matacaetsi coyene xua weiweina. ⁵ Powa xua yabara caunutatsi Babilonia tomara, barapowa peitapatha tinaduta pew̃n, po w̃n jiwi jopa yabara yaputaeyo. Barapo w̃n jeye: “Powa xua yabara caunutatsi pepa Babilonia tomara, bapowa be coxiwa natsicotane, xua powaxi nasi cui matacaeta xua weiweina barapowaxi pena tatsi. Matãta bapowa daxita pomonae xua bichocono abe peexanaewi barapomonae pena tatsi”, jei xua tinaduta. ⁶ Pirapaeyo jume tan xua barapo Babilonia tomarapiwi yabara jeichi: “Icha pebin ichi xua peatsaxae mera bichocono c̃upatsi, barapo Babilonia tomarapiwi barapocotsi coyeneya j̃uta

ichiya exana. Baxua exana, tsipei barapo Babilonia tomarapiwi juteba pinmonae pomonae Nacom pijimonaе tatsi, iru pomonae Jesús pejume diwesi pepaebiwi”, yabara jeichi barapo Babilonia tomarapiwi.

Poxonae tan xua barapo tomarapiwi be cupatsi bichocono, yabara nabenaecan bapoxonae. ⁷ Bapoxonae matatsunpin nejei: “¿Eta xua metha nabenaecame? Yabara cayaputane exanaeinchi bapowa xua pocotsiwa jopa yaputaem. Yawano yabara cayaputane exanaeinchi barapon pon be Corei, pontha xua bapowa eca peumatha. Bapon siete po pentasipabe xeina xuano xua diez po pentetobe xeina. ⁸ Barapon pon be Corei pon taneme caena bayatha popona barapo cae pin nacuathe. Anoxuae jopa poponaeyo. Ichitha bexa tsane juinaena po mathu bichocono pin mathu tsina. Bapoxonae nama yatsicaewa weweracaena. Bapoxonae jinompaena jiwi barapo cae pin irathe. Barapomonae jopa wun dubenaeyo Nacom pia diborotha tatsi, po diborotha xua jei: ‘Pomonae wun dubena barapo diborothe jopa weweracae tsane’, jei. Barapo jiwi caena bayatha jopa wun tinaetsi barapo diborotha. Barapo jiwi poxonae taena barapon xua taeinchi pon be Corei bichocono najuntu coyene cabenaecaena. Daxota najuntu coyene cabenaecaena tsipei caena bayatha popona, xua anoxuae ajibi ichitha equeicha bexa patopaena xua peponaewa tsane barapo cae pin irathe”, nejei matatsunpin.

⁹ Equeicha matatsunpin nejei: “Meje tha xua paebichi xua ichamonae itacupatsi peyabara

yaputaewa baxua: Barapo siete po pentasipabe xua pon be Corei, barapo siete matasipabe demxuwan yabara caunuta xua po matasipantha ichaxota barapowa peamatha eca, powa xua Babilonia tomara yabara caunutatsi. Barichi barapo siete po pentasipabe xua pon be Corei, yabara caunutatsi pomonae jiwi itorobiya pia pepa peewatsiwichi. ¹⁰ Cinco poyobe barapomonae pomonae jiwi itorobiya pia pepa peewatsiwichi bayatha naitapataya werapoinca. Caein anoxuae barapo siete poyobe jiwana matacapona po cae pin irathepiwi, ichun bexa tsane patopaena xua matacaponaena barapo cae pin irathepiwi. Ichitha poxonaebapon patopaena jopa ainya dapaein matacapopona tsane po cae pin irathepiwi. ¹¹ Bapon pon be Corei pon caena bayatha popona xua anoxuae jopa poponaeyo, bapon ichaxota ba jei: ‘ocho’, jei, bapon pon jiwi itorobiya pia pepa peewatsinchi naexanaena po cae pin irathepiwi nexa, bequein bapon caena bayatha tupa xua barapo siete poyobe jiwana. Bapoxonae nama equeicha weweracaena poxonaetupaena”, nejei matatsunpin.

¹² Equeicha matatsunpin nejei: “Barapo diez po pentetobe xua taneme xua po penteton yabara caunutatsi pomonae jiwi itorobiya pia pepa peewatsiwichi, barapomonae cataunxuae jopa patsiyo xua itorobiya peewatsinexatsi po cae pin irathepiwi. Ichitha po peitorobi coyenewa barapomonae catsibinchi xua saya bara caeto itorobiya ewatsinchi po cae pin irathepiwi xua iru barapon pon be Corei itorobiya ewatsina.

¹³ Barapo diez poyobe pomonae piamonae

itorobiya pepa peewatsiwi peburaya nanta xeinarusupa. Matautano barapo diez poyobe pomonae piamonae itorobiya pepa peewatsiwi pia peayapusya exanaewan pon be Corei catatsi, yawano peayapus itorobi coyenewa catatsi. ¹⁴ Daxita barapomonae pomonae diez poyobe, pomonae piamonae itorobiya pepa peewatsiwi iru pon be Corei, Cordero butsi. Ichitha barapo Cordero amanayabina daxita barapomonaetha. Tsipei barapon pon jiwi pia pepa Pecanamataxeinaeinchi pia peayapus itorobi coyenewa xaina beyacaincha xua ichamonae xaina pomonae jiwi pecanamataxeinaewichi. Matautano bapon pon Corderoxae jiwi itorobiya pia pepa Peewatsinchi tatsi pia peayapus itorobi coyenewa xaina beyacaincha xua ichamonae xaina pomonae jiwi itorobiya pia pepa peewatsiwichi xua iru xaina pia peayapus itorobi coyenewa. Pomonae Cordero nabaru yawenatsi xua poxonae amanayaba barapomonaetha, Nacom waba barapomonae poxoru Nacom pia peitapetsiwichi tatsi, matautano tsipei exana pocotsiwa Nacom itoroba”, nejei matatsunpin.

¹⁵ Equeicha barapo matatsunpin nejei: “Xua xam po menein taneme mar menein xua ichaxota yabyo eca pon be Corei peumatha, barapo mar menein yabara caunutatsi be tomaramonaepiwi, xua yabara caunutatsi tsicamonaexipiwi, yawano yabara caunutatsi pomonae icha jumeintha pecueicueijeijiwi, yawano yabara caunutatsi daxita nacuanpiwi. ¹⁶ Bayatha taneme barapon pon be Corei diez po pentetobe, po penteton

yabara caunutatsi diez poyobe pomonae jiwi itorobiya pia pepa peewatsiwichi. Barapomonae pomonae jiwi itorobiya pia pepa peewatsiwichi barapowa bichocono casebinchi powa pesi cui weiweinaewa. Yawano wecobe pitinchi xua bapowa pia peitorobi coyenewa tatsi yawano jumasa xubinchi. Yawano barapomonae wi xaena, xua bapowa wi xaeinchi. Bapoxonae bapowa pia pepon tautinchi isototha. ¹⁷ Nacom itoroba xua barapomonae pia pejuntũ coyenetha peexanaewa tsane xua pocotsiwan Nacom ichichipa. Daxota barapomonae pomonae jiwi itorobiya pia pepa peewatsiwichi pomonae diez poyobe, peburũya nanta xeinarũcupa xua barapomonae pia peayapusũ itorobi coyenewanxae tatsi pon be Corei catsinchi. Baxuan catsina beya abũ poxonae wetsina pocotsiwa Nacom bayatha paeba. ¹⁸ Petsiriwa powa taneme xua powa nasi cui matacaeta xua weiweina, bapowa cayabara caunutatsi: ‘Po tomara pepa tomara’, jei. Pon itorobiya pepa peewatsin xua barapo pepa tomaratha, bapon itoroba daxita ichamonae pomonae jiwi itorobiya pia pepa peewatsiwichi pomonae barapo cae pin nacuathepiwi itorobiya ewatatsi”, nejei matatsunpin.

18

Meje yabara po diwesi xua daxita omeicha cayabara wetapentatsi Babilonia tomarapiwi xua muxuna tomarano

¹ Bapoxonae equeicha tan ichũn matatsunpin xua pon peitaboco wetsica pona po cae pin irathe

tsique. Barapo matatsunpin xeina ainya peayapusa itorobi coyenewan. Bapoxonae bapon exana xua ira bichocono pentha tsurucuae xua pia pepon weya cueicha pona. ² Yawano bapon jume daunweya wawai, jeye:

“¡Bayatha Babilonia tomarapiwi

wetapentatsi yawa tomara abe

exanatsi, po tomara pepa tomara!

¡Yawano anoxuae caurimonae baxota jinompa!

³ Tsipei daxita carepaya nacuanthapiwi

bichocono abe exana, po abe peexanae

coyenewa pocotsiwa xua barapo

Babilonia tomarapiwi exana.

Yawano pomonae jiwi itorobiya pia pepa

peewatsiwichi barapomonae cuiduba piamonae

xua abe peexanaewa tsane icha barapo

Babilonia tomarapiwi ichi xua abe exana.

Yawano pomonae pecaenaetsiwi piawan,

bapomonae

xuya copei pexeinaewi naexana, tsipei barapo

tomarapiwi copei ayei ichichipa xua beta

pejinompaewa tsane”, jei matatsunpin.

⁴ Bapoxonae equeicha ichawa jume tan xua

wawai itabocotha, jeye:

“Pomonae tamonaepiwi pam, barapo tomara

weya

paponarucupare, xua jopa abe painya

neexanaenexaru icha barapo tomarapiwi

ichi xua bichocono abe peexanaewi.

Bapoxonae Nacom jopa paca atene exanae tsane

icha bayatha ichichi xua atene exainchi

barapo Babilonia tomarapiwi.

⁵ Tsipei barapo abe peexanae coyenewan

xua barapo tomarapiwi exana bichocono
 ayei xua daxota Nacom pon itabocotha
 peecaein tane baxuan.

Daxota Nacom yabara nanta xeina
 xua atene exana barapomonaetha.

⁶ Barabũ ichamonaetha jũpa exanaena
 barapomonaetha, icha be pocotsi coyeneya
 xua bapomonaetha abe taexana ichamonaetha.
 Barabũ barapomonaetha pentoma catsibinchi
 xua po pentoma equeicha mataropataba
 xua peatenewa.

Barabũ barapomonaetha bichocono atene tsane,
 icha be pocotsi coyeneya xua poxonaetha
 barapomonaetha atene taexana ichamonaetha.

⁷ Pocotsiwa xua bapomonaetha exana xua atsaca
 naexana xua penasi cui matacaetsi jiwi naexana,
 barabũ barapomonaetha bichocono atene tsane,
 yawa wecoyei tsane.

Tsipei bapomonaetha pia coutha natsipaeba, jeye:
 ‘Waxainchi xote enatsi.

Waxainchi jopa dapomonaetsi pomonaetsi
 pomonaetha

waseuri jiwi wanaca cuenta werapaewi.

Mataũtano waxainchi pomonaetha jiwi
 itorobiya pia pepa peewatsi jiwichi, jopa
 bichocono atene tsainchi’, jei bapomonaetha.

⁸ Daxota saya caentaqueitha tsane jopaena po
 coyene xua abe peexanaewa tsainchi bapomonaetha,
 xua bichocono peperaxa jũbiwa tsainchi,
 mataũtano xua pejainpaewa tsane bichocono,
 yawano xua petautsiwa tsainchi xua werapaena.
 Tsipei Nacom pon pepa Pecanamataxeinaein jiwi
 peayapusũ itorobi coyenewa xeina, yawano

bapon pia coutha yabara paebina po coyene xua tsitatsi xua bapomonae natsiaenae cuenta abe peexanaexae”, jei matatsunpin.

⁹ Pomonae jiwi itorobiya pia pepa peewatsiwichi xua po cae pin irathe, pomonae xua bayatha irurur abe exana poxonae barapo Babilonia tomarapiwi abe exana, barapomonae bichocono wecoyei tsane poxonae xua taena iso tsuxu xua poxonae barapo Babilonia tomarapiwi tautsinchi.

¹⁰ Barapomonae tajur wetaeumeinyaena poxoru cunuwa xua pocotsiwa Nacom cana exanaena barapo Babilonia tomarapiwi. Barapomonae pomonae jiwi itorobiya pia pepa peewatsiwichi najei tsane:

“¡Pai jaibo Babilonia tomarapiwi pam tsobenae!

¡Babilonia tomara tsocuaem!

Bequein pepa tomara tsocuaem, ichitha saya

bara cae horatha barapo tomaram omeicha

Nacom cawetaxubina”, najei tsane barapomonae.

¹¹ Daxita pomonae caenaeta piawan barapomonae bichocono wecoyei tsane xua barapo Babilonia tomara siwa wecoyeichi tsainchi tsipei barapomonae jopa xeinae tsane xua comocaeinchi xua pia pecaenaetsiwan.

¹²⁻¹³ Barapomonae xua pocotsiwan caenaeta dubenanaebiya baxue: xua pocotsiwan pewun oro nain matawun, yawano xua pocotsiwan penainwan xua plata nain matawun, yawano xua ira burupana iboton xua bichocono ainya matoman, yawano xua pocotsiwan be warowaxu pocotsiwan perla matawun, yawano papaburur pocotsiwan bichocono ainya matoman pocotsiwan seda matawun, yawano po

paparuwan m̃ s̃jei, yawa xua xuan m̃ tsobia;
yawano napaewan, po naein xua bichocono
tuxuei; yawano xua ichawan weya forobano
xua pocotsiwan marfil mataw̃n, yawano xua
ichawan weya forobano xua naewan xua po
naewan bichocono ainya matoman, yawano
xua ichawan weya forobano xua pocotsiwa
bronze nain mataw̃n, yawano xua ichawan
weya foroba xua penainton, po penainton
hierro nain mataw̃n, yawano xua ichawan
weya foroba xua iboton, po iboton mármol ibo
mataw̃n; yawano capana po petuxueiwan
canela tseboco mataw̃n, yawano ichawanno
capana xua ichawan xua petuxueiwan; yawano
capana icha petuxueiwan xua incienso xua po
tuxusi tuxueiwa benata poxona taxua exana,
yawano icha petuxueiwa pocotsiwan be mauto
xua jiwi tauta petuxusi tuxuei exanaenexa,
yawano icha petuxueiwanno; yawano vino
meran, yawano penasiwan, yawano pebenon
xua trigo xu benon, yawano pepa xu xua trigo
xu; yawano jota duweimonaein, ovejamonaen,
cawayumonaen, yawa caronaemonaen, xua
cawayu pecaponaen naexi, yawano jiwino
capoinchi pecaenaetsinexatsi xua pomonaen
jiwi pebusi cui tatayebeibiwichi peexanaenexa
tsainchi. ¹⁴ Barapomonaen jei tsane xua barapo
Babilonia tomarapiwi yabara jei tsainchi:

“¡Anoxuae jopa paxeinaem pethei, po pethei
ainya matoman po pethei paichichipame
bichocono!

¡Anoxuae nama pacata aichurubenae xua
copei xeina painya nenaexanaewam xua

bara ataya tsane!” jei tsane.

¹⁵ Pomonae xua caenaeta dubenanaebiya pocotsiwan xua ainya matoman yawa xua cobe caewita paratixi xua barapo tomarapiwi cobe caewitatsi, barapomonae taj_u wenewatumendena xua abe peexanaeyainwatsi xua Nacom exanaena. Barapomonae bichocono wecoyei tsane. ¹⁶ Barapomonae jei tsane:

“¡Pai jaibo pepa Babilonia tomara tsobenae!

Xam Babilonia tomaram bichocono pexeinya tomaram, icha yab_uyo ichi xua pexeinyawayo poxonae paparuwa nama xatata po paparuwa bichocono s_ujei yawa bichocono tsobia.

Yawano bapowa napepena xua pocotsiwa pew_un oro nain yawa xua be ibotixi xua pocotsiwan ainya matoman yawano po warowa xu xua inyapana xua pew_un perla.

¹⁷ ¡Saya bara cae horatha daxita aichurubenae xua xuan barapo tomara xeina!”

jei tsane barapomonae.

Pomonae jera pecanamataxeinaewi, yawano pomonae xua naponaxua warapa icha tomaratha nexa, ir_u pomonae petanacuichiwi barapo jera naeinha, ir_uno pomonae nacuita jeratha, daxita barapomonae taj_u wenecotumendena.

¹⁸ Poxonae barapomonae tane xua iso ts_ux_u xua barapo Babilonia tomara tautatsi, barapomonae jume daunweya wawai, jeye: “Icha pepa tomara aibi po tomara w_unae pocotsi tomara icha Babilonia tomara ichi”, jei. ¹⁹ Barapomonae pia cui xeina xua tsorobotha nantatsaeba poxoru bichocono wecoyei. Wawaya jeye:

“¡Pai pepa Babilonia tomara tsocuae!

¡Anoxuae jopa peraichiwa xua pocotsiwan bayatha jera wɯnbatsi xua copei xeina naexainchi xua poxonaе naca comoca barapo tomarapiwi! ¡Daxita baxuan caayawachurucuae exainchi tomara!” jei barapomonaе.

²⁰ Ichitha paxam pomonaе itabocotha painya nejinompaewi pam irɯ pomonaе tamonaе pam, irɯ pomonaе Jesús pia peitorobiwi tatsi pam, irɯ pomonaе Nacom peitorobi jume pepaеbiwi pam.

Daxita barapomonaе pam, pajɯntɯ coyene weiweinare xua pacata peaichurucuaexae barapo Babilonia tomara.

Nacom xuya аbe exana barapo Babilonia tomara tsipei bayatha barapo tomarapiwi pacata аbe exana.

²¹ Bapoxonaе matatsunpin pon bichocono pia peayapusɯ itorobiwa xeina, bapon pita iboto, po iboto bichocono pin iboto xua be pocotsi ibototha jiwi cuba trigo xu. Bapoxonaе barapo matatsunpin xuba barapo iboto pin mar mentha. Bapon jeye:

“Icha barapo iboto ichin xua xuban barapo pin mar mentha, Nacom barichi wetaxuba barapo Babilonia tomara xua equeicha jiwi jopa petaewa tsane.

²² Yawano bapana equeicha jiwi jopa jume tae tsane xua petanbabiwan busin xuan pewɯn арpa matawɯn, yawano xuan po peobiwa jumein pewɯn flauta matawɯn, yawano icha peobiwan jumein xuan pewɯn trompeta matawɯn.

Mataɯtano jopa tae tsane pomonaе xua

barompaya piawan penata exanae jiwi.

Matautano jopa busi tae tsane barapo

pin tomaratha xua busi

xu yacatoyeraba trigo xu xua pin ibototha.

²³ Matautano jopa yonoyonei tsane pecoichan.

Matautano jopa jume tae tsane xua pin

penabanaewa exana xua poxona

pebin pecotsiwa pita.

Pomona pecaenaetsiwi barapo pin tomaratha

bichocono copei pexeinaewi xua daxota

daxita nacuanpiwi yabara cui yaputane

xua barapomona peainya cui jiwi.

Barapomona pomona Babilonia tomarapiwi

itacupatsi xua daxita nacuanpiwi

muxuitorobatsi mara peexanaewi pia

coyeneyatha xua daxota iru abe

peexanaenexa tsane, icha barapo Babilonia

tomarapiwi ichi xua abe exana”,

jei matatsunpin.

²⁴ Nacom weraweraca exanaena barapo

tomara. Barapo tomarapiwi Nacom tsitatsi

xua barapomona penatsicuentiwa xeina xua

ichamona pejutebixaetsi, pomona Nacom

pia peitorobi jume pepaebiwi, iru pomona

Nacom pejume cowantsiwichi tatsi yawano

daxita pomona bayatha jutebatsi po cae pin

nacuanthepiwi xua ichamona juteba icha

tomarantha.

19

¹ Barapoxona peitabocotha jume tan xua juinya
pinmona jeye:

“¡Barabu Nacom wuna jainatsi, Nacom naca

capanepa abe waexanae coyenewan weya!
 ¡Maisa Nacom pexeinya juntu coyene pexeinaein!
 ¡Maisa Nacom bepa juniya xeinae
 peayapusu itorobi coyenewa!

² Nacom wuna jaintatsi tsipei bapon Wanacom.
 Poxonae yabara paeba jiwi xua
 penatsicuentisiwa xua abe peexanaexae,
 bara beta xaniwaicha exana.
 Yawano bapon bichocono atene exana
 barapowa powa xua penatsicuentisiwa
 xeina xua abe peexanaexae.
 Bapowa penasi cui matacaetsiwa xua
 weiweina pebiwitha pia paratixichi.
 Barapowa yabara caunutatsi Babilonia tomara
 po tomaramonae xua penatsicuentisiwa xeina xua
 abe peexanaexae icha bapowa ichi.
 Bapowa bayatha cuiduba barapo cae pin
 nacuapiwi xua iru abe exana icha
 xua barapowa ichi.

Tsipei bapowa Nacom pijimonae tatsi
 jutebatsi daxota xuya Nacom pijimonae
 yantomata xua poxonae bapowa bexotsi powa
 peyabara caunutsixaetsi Babilonia
 tomarapiwi”, jei xua juinya pinmonae.

³ Barapo pin ayei jiwi jeye:
 “¡Barabu Nacom wuna jaintatsi!
 ¡Iso tsuxu xua bapomonae tautatsi barabu
 bapana jopa athabe jujuinae tsane xua pepu
 ataya tsanel!” jei barapomonae xua juinya pin-
 monae.

⁴ Bapoxonae veinticuatro poyobe pomonae
 pitiri jiwi, iraru cuatro poyobe xua xuan asu
 daxita barapomonae irabe taeumenareca

xua Nacom wɥnae pejainchinexa tsainchi,
jeye: “¡Je bara ichi tsane! ¡Barabɥ Nacom
wɥnae jaintatsi!” jei daxita barapo
matabɥɥmonaebe. ⁵ Bapoxonae Nacom pia
pexeinya peecaethopeibiwatha, jume tan pejume,
xua jeye:

“¡Daxita pam, pomonae Nacom pata exaname,
Nacom pon pata Nacom, wɥnae pajainde!
¡Iɥɥɥ pomonae paexaname pocotsiwa Nacom
paca itoroba, Nacom wɥnae pajainde!
¡Iɥɥɥ pomonae peacopeibi jiwi iɥɥɥ
pomonae copei pexeinae jiwi, daxita
paxam Nacom wɥnae pajainde!”
jei pejume xua paeba.

*Meje yabara po diwesi xua poxonae jiwi
tsinacætuta pexaewa penabanaenexa poxonae
Cristo, pon Cordero, pecotsiwa nacueyaba*

⁶ Yawano jume tan peitabocotha xua pejumein
be pin bicheitomona be poxonae xua ainya pin
mar menein busin, yawano be xua xuan yamɥɥ
jurujurei. Barapo jumein jeye:

“¡Barabɥ Nacom wɥnae jaintatsi
pon jiwi Pecanamataxeinaein!
Bapon nama anoxuae tamropata pitaba
xua daxita carepaya nacuanthapiwi
itorobiya ewatsinchi.

Bapon xeina daxita coyenewan xua pia
peayapusɥ itorobi coyenewan.

⁷ ¡Jɥntɥ coyene weiweinatsi yawano
jacobatsi, jeichichi: ‘Maisa pexeinya
jɥntɥ coyene pexeinaein’, jeichichi!
Baxua bewa exanaetsi tsipei patopa matababi

poxonae po matakabitha jiwi tsinacaetuta
 pexaewa penabanaenexa poxonae pon
 Cordero, piowa nacueyaba.

Barapon pon Cordero, pecotsiwa tatsi nacui
 xainwaeta, poxonae po matakabitha jiwi
 pin penabanaewa tsinacaetuta xua
 penabanaewa tsane.

⁸ Barapowa copatatsi xua penama xatatsinexa
 paparuwa, po paparuwa bichocono
 pexeinya paparuwa.

Barapo paparuwa bichocono inyapana yawa
 xua bichocono m̃ daedaena.

Barapo pexeinya paparuwa caunuta xua po
 coyenein Nacom pia peantobewichi tatsi exana
 xua po coyenein Nacom tsita xanepanatsi.

Barapo yab̃yo yabara caunutatsi Nacom
 pijimonae tatsi, pomonae Nacom pejume
 cowantsixaetsi”, jei barapo pin bicheitomonae.

⁹ Bapoxonae matatsunpin nejei: “Tinare xu-
 aje: ‘Bichocono j̃nt̃ coyene weiweina pomonae
 Nacom waba poxonae pin penabanaewa tsi-
 nacaetuta xua penabanaewa tsane poxonae pon
 Cordero, nacueyaba pecotsiwa’, jande poxonae
 xua tiname”, nejei barapo matatsunpin. Equeicha
 nejei: “Daxita po jumein xua catsipaebatsi barapo
 jumein xaniwaicha Nacom paeba”, nejei barapo
 matatsunpin.

¹⁰ Bapoxonae barapo matatsunpin petaxutha
 irabe taeuncuarecan xua w̃nae tajainchinexa.
 Ichitha bapon nejei: “¡Bara! Jopa baxua neex-
 anaeinde. Apar̃ xan ir̃ ponxaein Nacom pi-
 awa taexanaein, icha xam ichim xuano xua icha
 jinya jiwimonae ichi pomonae Nacom pejume

cowantsiwichi, xuanu xua jume cowanta dubenanaebiya pocotsiwan xuan Jesús paeba. Jame Nacom bapon wunae jainde”, nejei matatsunpin.

Baxuan xuan pocotsiwan Jesús paeba xua xuan pexainyeiwan, baxuantha yawenatsi nawita pomonae Nacom peitorobi jume pepaebiwi.

Meje yabara po diwesi xua pebin equeica cawayutha, pon pmainyan

¹¹ Bapoxonae peitabocotha tan xua naitaboco yausaranaxuba. Baxota naitata cawayu, pon pmainyan. Pon xua cawayutha equeica, wun dutatsi, jeichichi: “Pon xua pejume cowanta ducuanabiyaen, yawano xua xaniwaicha pepaebin”, jeichichi. Bapon xainyeya betiya yabara paeba jiwi xua penatsicuentsiwa xua abe peexanaexae. Matautano bapon xainyeya betiya exana poxonae naba ichamonaetha.

¹² Bapon peitamaiqueito be isoto itareto xua yonoyonei. Yawano bapon nantatsun etounya pentasipatha ainya tepan. Yawano bapon tinaduta pewun po wun xua saya meisa bapon wun yaputane. ¹³ Yawano nama xatata paparuwa, po paparuwa pejanan dubena be poxonae xua jautuxuba pejanatha. Bapontha Nacom wun duta: “Nacom Pejume”, jei.

¹⁴ Bapon puna poinchi soldadomonae itabocopi soldadomonae, pomonae Nacom pia soldadomonae tatsi. Barapo soldadomonae pexeinya paparuwan nama xataba xua xuan mɨ inyapana, yawa xua axuiruibi. Yawano barapomonae eneica cawayumonaeintha xua xuantha pmainyawantha. ¹⁵ Barapon pon

mata capana pia soldadomonaē pecoiboto tsina tapichapeinatsi cusi, po wato bichocono xuiyoi. Bapon barapo watotha ucuboba xua jiwi ucubobatsi, pomonaē po irathe jinompe. Yawano bapon ajumeyapus_uya itorobi ewatsina jiwi. Yawano bapon daunweya yabara paebina jiwi xua penatsicuentsiwa xua abe peexanaexae, icha jiton ichi xua daunweya nataxu tsapabatouba uva cuei xua vino mera pia exanaetsi. Bapon bichocono atene cana exanaena pomonaetha pomonaē jopa pejume cowantsiwichi, tsipei bichocono Nacom caseba barapomonaē. Barapon Nacom pia peayapus_u itorobi coyenewan xeina xua jiwi peperaxa exanaewatsi. ¹⁶ Bapon naw_n tinaduta pia pejumainaewatha, yawa naw_n duta peth_utotha xua po w_n jeye: “Pon Corderoxae jiwi itorobiya pia pepa Peewatsinchi tatsi, pia peayapus_u itorobi coyenewa xeina beyacaincha xua ichamonae xeina pomonaē jiwi itorobiya pia pepa peewatsiwichi xua ir_u xeina pia peayapus_u itorobi coyenewa. Mata_utano bapon pon jiwi pia pepa Pecanamataxeinaeinchi pia peayapus_u itorobi coyenewa xeina beyacaincha xua ichamonae xeina pomonaē jiwi pia pepa pecanamataxeinaewichi”, jei barapo w_n.

¹⁷ Bapoxonae matatsunpin tan xua xometo coichatha uncua, bapon jume daunweya wawai peyapupunaewi beya xuan jinompa itabocotha, jeye: “Anetha xua painya nexaewa tsane Nacom pin pia penabanaewa. ¹⁸ Barapo penabanaewan paxaema, xua pomonaē jiwi itorobiya pia pepa peewatsiwichi pewi, yawano soldadomonaē pia pentacaponaewi

tatsi barapomonaē pewi, yawa pomonaē peamanayabeibi jiwi barapomonaē pewi, yawa cawayu pewi, yawa pomonaē xua eneica pewi. Daxita xua iruru ichamonaeno barapomonaē pewi. Iru pomonaē penata exanaewi pia coutha barapomonaē pewi, ichacuitha xua iru pomonaē amanaya petanacuichi jiwi barapomonaē pewi. Irano pomonaē jiwi pebusi cui tatayebeibiwichi barapomonaē pewi, irano pomonaē copei pexeinaewi barapomonaē pewi”, jei matatsunpin.

¹⁹ Bapoxonaē tan pon ayei pon be Corei, yawano tan pomonaē jiwi itorobiya pia pepa peewatsiwichi xua baru pona pia soldadomonaēin. Daxita barapomonaē nacaetuta xua nantiya penabinexa tsane pontha pon pia soldadomonaē matacapona xuano yawa pia soldadomonaēintha tatsi petanabinexa tsainchi. ²⁰ Barapon pon ayei, pon be Corei, bapon maxu cūbiya waetabatsi iru maxu cūbiya waetabatsi pon naerabiya jeye: “Xan Nacom peitorobi jume tapaebin”, jei, pon xua petsita itatsi coyenewan exana xua pon be Corei taexanatsi xua pon be Joyoinya pia peayapusu itorobi coyenewatha tatsi. Barapo petsita itūbiwantha bapon jiwi muxuitorobatsi xua barapo jiwi peitapa tinaewa tsainchi barapon pon be Corei pewantha tatsi. Yawano jiwi itorobatsi xua wūnaē pejainchiwa tsane ibo Corei nacom. Barapon pon be Corei iruru pon xua naerabiya jeye: “Xan pon Nacom peitorobi jume tapaebin”, jei baponbe Nacom cana exana xua itowa pexubiwa tsainchibe ichaxota isoto pucua. Barapo pucua ataya tsitecaeya taxun-

cua bichocono aitareyapus_u tsuncuae po peitare pew_un azufre mataw_un. ²¹ Ir_ur_u daxita icha-monaer_u jutebatsi cusitha, po watotha xua pecoi-bototha tapichapeinatsi pon xua matabapona pia soldadomona. Daxita pepupunaewi bichocono tonsana pewi xaexaetsi pomona xua jutebatsi.

20

Meje yabara po diwesi xua Cristo itorobiya ewatsina jiwi mil po weibetha

¹ Bapoxonae tan matatsunpin xua peitaboco wetsica pona, bapon catatsi po coyenetha xua itacupatsi xua pecoibo saranaxubiwa tsane barapo pin m_uth_u deca xua ira bereca. Yawa bapon capona pecobetha penainto, po penainto xua pew_un cadena xua bichocono pin nainto. ² Barapo matatsunpin waetaba, pon be Joyoinya waetabatsi, pon po jomo xua poxonae copiya jiwi muxu jainyabatsi. Bapon apara caurimonae pia pentacaponaein tatsi. Bapon icha w_un Satanás. Barapon Satanás max_u cubiya waetabatsi cadenatha xua mil po weibexa. ³ Yawano barapon Satanás xorecatsi barapo pin m_uth_u deca. Bichocono yauxatatababotatsi m_uth_utha. Yaucateitababotatsino bichocono, xua jopa equeicha pemuxujainyabeibiwa tsane xua jopa equeicha pemuxujainyabeibiwa tsainchi po irathepiwi xua beya poxonae ab_u yapu caewina mil po weibexa. Bapoxonae isanaxubinchi xua saya bara caeto tsane.

⁴ Bapoxonae tan xua pexeinya peenaethopeibiw_un. Baxota ena pomona xua bayatha catsibatsi peitorobi coyenewan xua jiwi peyabara paebiwa

tsainchi daxita xua penatsicuentsiwa xua abe peexanaexae. Bapomonae pomonae xua bayatha wisi ucubobebatsi xua ichamonae namawainta, apara xua barapomonae peyabara cueicueijeixae Nacom Pejume Diwesi, xua peyabara cueicueijeixaeno po coyene xua Jesús pejume cowantsiwatsi. Barapomonae bayatha jopa wūnae jainchiyo pon be Corei. Matautano jopa wūnae jainchiyo barapo ibo Corei nacom. Matautano barapomonae jopa copatsiyo xua peitapa tinaewatsi tsainchi pon be Corei pia wūntha tatsi ichacuitha xua pecobe juma tinaewatsi. Barapomonae tan xua equeicha asū exainchi. Barapomonae irū Cristo, nabarū caemonae xua barapomonaebe barapo cae pin nacuepiwi itorobiya ewatatsi xua cien po weibetha tsane. ⁵ Ichitha nama ichamonae pomonae xua caena bayatha werapa cataunxuae jopa asū exanaetsi. Barapomonae asū exanaeinchi beya abū poxonaē yapu caewina mil po weibe. Barapo peasū coyenewa xua apara copiya nanta carucua xua copiya matha Nacom exana xua jiwi asū exaneibatsi petūpaewa weya. ⁶ ¡Maisa bichocono jūntū coyene weiweina pomonae equeicha Nacom asū exana petūpae coyene weya po peasū coyenewa xua copiya! Barapomonae Nacom piamonae tatsi. Barapomonae jopa werapae tsane poxonaē equeicha jiwi caewa werapaena po jiwi jopa pejume cowantsiwi. Saya barapomonae exanaeinchi Nacom pia sacerdotemonaepiwi tatsi xua irū Cristo pia sacerdotepiwi tatsi. Matautano barapomonae nabarū caemonae

xua barapomonaē barapo cae pin nacuepiwi itorobiya ewatatsi mil po weibetha tsane.

Meje yabara poxonaē caurimonaē pia pentacaponaein tatsi xotsi

⁷ Poxonaē yapu caewina mil po weibē bapoxonaē barapo Satanás isanaxubinchi xua peponaewa tsane muthu weya. ⁸ Poxonaē bara weya pona jiwi muxujainyabinchi nawita daxita nacuantha. Yawano muxujainyabinchi nawita Gog nacuamonaepiwi, iruno muxujainyabinchi nawita Magog nacuapiwi. Barapo Satanás cana exana xua barapo naxobe nacuapiwi penacaetutsiwa tsane pia soldadomonaē tatsi xua penabinexa pomonaetha pomonaē Nacom piamonaē tatsi. Barapo naxobe nacuapiwi pomonaē soldadomonaexae barapomonaē bichocono pin bicheitonmonaein icha taetowa purun ichi xuan taetabotha bobena xuan acucu xua mar mentha bobena.

⁹ Barapo pin bicheiton pomonaē soldadomonaexae, pana beiyiya daxita yaira jupa beya poxonaē yacaincha matawacaicha umeinchi ichaxota Nacom piamonaē tatsi jinompa, yawano xua po tomarapiwi Nacom jume cowantatsi. Ichitha bapoxonaē Nacom pin isoto itoroba deca peitaboco wereca, daxita barapo soldadomonaēin taxuatsi omeicha. ¹⁰ Barapon Satanás, pon be Joyoinya, pon caurimonaē pia pentacaponaein tatsi, pon xua barapo soldadomonaēin muxujainyabatsi, bapon Nacom xuba isoto pucuatha, po pucuatha ichaxota ataya tsitecaeya taxuncua xua bichocono aitareyapusu

tsuncuae po peitare pewan azufre matawan. Barapo pucuatha caena bayatha xotsi pon be Corei iru pon xua naerabiya jeye: “Xan Nacom peitorobi jume tapaebin”, jei. Barapomonae baxota bichocono atene tsaibi tsane, mataqueitha yawa merawithano tsaibi tsane xua bara ataya tsane.

Meje yabara po diwesi xua Nacom yabara paeba jiwi xua penatsicuentiwa poxonae eca pia pexeinya ecaethopeibiwatha, po pexeinya ecaethopeibiwa xua pemainyawa

¹¹ Bapoxonae tan xua pexeinya peecaethopeibiwa xua pemainyawa. Muxuna tan xua pon eca barapo pexeinya peecaethopeibiwatha. Bapon peitabaratha tan ira xua po ire yawa itaboco, baxua daxita aichurubena, equeicha jopa naitutsiyo. ¹² Bapon Nacom peitabaratha tatsi umena pomonae xua caena bayatha werapa xua pomonae peacopeibi jiwi iruno pomonae copei pexeinae jiwi. Bapoxonae diboron patapenta, yawano pataxuba po diborotha ba nacapanenebiya tsaibi pomonae Nacom pia peantobewichi poxonae wan tinadubatsi barapo diborotha. Pomonae xua caena bayatha werapa daxita itawetatsi. Barapomonae yabara cui jupiya exanatsi be po coyeneya bayatha abe exana xua barapo diborotha pecui yabara tinaexaetsi xua poxonae barapomonae abe exana. Daxota barapomonae atene tsane. ¹³ Barichi pomonae iru pin mar mentha notatsi, barapomonae Nacomtha pata. Iru pomonae iratha bobena ira wejujuina xua Nacomtha pepatsinexa. Daxita

barapomonae Nacom peitabaratha tatsi umena xua baxota peyabara paebinexatsi xua Nacom yabara paebina xua penatsicuentisiwa xua abe peexanaexae Nacomtha. Barapomonae atene exanaeinchi xua Nacom bayatha pecui yabara tinaexae po coyene xua abe exana. ¹⁴ Nacom cana exana po coyenewa xua jiwi tupa pecana exanaewatsi, xua barapo coyenewa isoto pucuatha xotsi xua nacaewita cana exanatsi. Barichi Nacom cana exana xua po nacua pomonae pewerapeibiwi pia nacua tatsi xua barapo nacua xotsi isoto pucuatha xua nacaewita cana exanatsi po pucuatha ichaxota ataya tsitecaeya taxuncua. Barapo petupae coyenewa apara xua jiwi caewa werapaena po jiwi jopa pejume cowantsiwi. ¹⁵ Irurū pomonae xua jopa wun dubenaeyo barapo diborotha po diborotha ba jiwi nacapanenebiya tsaibi poxonae wun dubeibatsi, barapomonae irū barapo isoto pucuatha bebaichi, Nacom bebai.

21

Meje yabara po diwesi xua pena itaboco yawa xua pena ira

¹ Bapoxonae tan pena itaboco yawano pena irano, tsipei po itaboco copiya ducua yawa po ira copiya ducua aichurubena, equeicha jopa naitatsiyo. Yawano pin mar mene aichurucuae. ² Xan, pon Juan tsocuaein, tan Nacom pia pepa pexeinya tomara tatsi ichaxota jinompa pomonae peantobewichi Nacom. Barapo tomara pena Jerusalén tomara, po tomara Nacom pia xainya

wetsica tatsi pona xua itaboco wetsica. Barapo tomara nacui xaxainchiya weta, icha yabayo ichi xua poxona nacui xaxainchiya weta xua poxona pecotsiwa per̃ nacoyobina. ³ Jume tan pejume xua peitaboco wetsica jume daunweya jeye: “Taema anoxuae Nacom popona pebiwitha. Nacom bar̃ poponaena, bara barapomona Nacom pijimona tatsi tsane. Nacom ataya tsitecaeya bar̃ poponaena barapomona penacana exanaexae xua piamona tatsi pia Nacom tatsi. ⁴ Barapomona Nacom itacuere mene canotsina xua pewecoyeixae, xua barapomona equeicha jopa peatenewa tsane. Equeicha jiwi jopa werapae tsane barapo pet̃pae coyenewatha. Matautano jopa pewecoyeinexa tsane, tsipei xua xuan copiya exana po irathe bayatha aichurucuaeya nacaewita”, jei po jume xua itaboco wetsica paeba.

⁵ Bapon Nacom pon eca pia pexeinya peecaethopaewatha nejei: “Taema daxita exanan xua xuan penawan”, nejei Nacom. Equeicha nejei: “Baxuan tinare, tsipei barapo jumein pexainyei jumein, daxota ichamona itac̃patsi xua tana neyabara jume cowantsiwa xua bara exanaein pocotsiwa xua taneme”, nejei Nacom.

⁶ Bapoxona equeicha nejei: “Bara baxuan bayatha nacui weta. Xan ponxaein apara ataya tsitecaeya tapoponaein xua poxona aena daxita tamropata pitaban. Matautano bexano ataya tsitecaeya bara tapoponaewa tsane. Po pebin xua bichocono meratsipa xua daxota bara amanaya mera neapatsiwa barapo coyenewa icha be ichin poxona jiwi

yawenan. Pon xua bejuntũ coyene jichatsi xua ajuntũcoyeneyapusũ peexanaewatsi bara bapon amanaya catsin peajuntũcoyeneyapusũa, po peajuntũcoyeneyapusũa xua ataya tsiteca. ⁷ Pon xua juntũ coyene amanayaba caurimonae poxonae caurimonae bequein abe exana bapontha, bapon xeinaena pocotsiwa be pentoma pocotsiwa xua bayatha juntana jeban bapon. Barapon pia Nacom tatsin tsane yawa barapon apara bara taxanto tsane. ⁸ Ichitha pomonae pijunuwi jopa nejume cowantsiyo xua ichamonae abe peexanaewa tsane barapomonaetha irũũ pomonae jopa benejume cowantsiyo, irũũ pomonae peajuntũcoyenebewi, irũũ pomonae jiwi pejutebiwi, irũũ pomonae xua penasi cui exanaewi xua peweiweinaewa, irũũ pomonae mara pexeinaewi irũũ pomonae wũnae pejainchiwi ibo nacom, irũno pomonae naerabiya pepaebiwi, daxita barapomonae bebai tsainchi isoto pucuatha po pucuatha ichaxota ataya tsitecaeya taxuncua xua bichocono aitareyapusũ tsuncuae po peitare pewũn azufre matawũn. Barapo petũpae coyenewa apara xua poxonae equeicha jiwi caewa werapaena pomonae pejume cowantsiwi”, jei Nacom pon eca pia pexeinya peecaethopaewatha.

Meje yabara po diwesi xua pena Jerusalén tomara

⁹ Bapoxonae matatsunpin patopa pon xua siete poyobe jiwana, po siete poyobe matatsunpiwi xua xeina coroton siete xoyobe xua wũnba peabe cuiru coyenewan xua bara nama opi ducua pocotsiwa Nacom exanaena. Bapon nejei:

“Anetha catsita itatsinchi Cordero pecotsiwa tatsi xua bara yatsicaya piowa tatsi”, jei matatsunpin.

¹⁰ Tananetsita itatsiwatha xua poxona Nacom pia Pejumo tana tatsi netsita itata bapoxona matatsunpin necapona pin demxuwa beya po demxuwa xua bichocono tacha. Yawano baxotiya matatsunpin netsita itata Nacom pia pepa pexeinya tomara tatsi ichaxota jinompa pomona peantobewichi Nacom. Barapo tomara pena Jerusalén tomara, po tomara Nacom pia xainya wetsica tatsi pona xua itaboco wetsica.

¹¹ Barapo tomara bichocono wanae xua pentha exanuncua Nacom pia pexeinya itupanae coicha tatsi, tsipei Nacom baxota popona. Barapo pepentha tsuncuae coichawa bichocono daedaena icha iboto ichi xua po iboto itupana po iboto ira baxupana iboto. Bara pocotsi itupanae iboto jasper matawan, po iboto xua epa nasaba.

¹² Barapo Jerusalén tomara yacaincha matawacaichiya uncuatsi xua pocotsiwa be curara xua u ibo xua bichocono amaxuburatiyu xuan xua bichocono tacha. Yawano xaina doce po coibotobe. Daxita barapo coibotontha tsiniya umena matatsunpiwi, xua be caein tsiniya. Barapo coibotontha tsitsiniya wan dudubenapoinya Israel pia pemomoxi susato bicheiton tatsi.

¹³ Matautano acoibi po coibotobe ducua ichaxota pocotsiwa xometo weecoina. Icha acoibi coibotobe ducua ichaxota pocotsiwa xometo bejopiya. Yawano epatauta dena ainya acoibibe po coibotobe nantiya ducube.

¹⁴ Yawano barapo curaratha ira wetsina umena iboton. Barapo iboton doce po ibotonbe xua

barapo ibotontha tsiniya wɔn dubena pewɔnxi xua doce poyobe pomonae Cordero pia peitorobi jiwi tatsi.

¹⁵ Barapo matatsunpin, po matatsunpin netsipaeba, bapon capatopa pocotsiwa xua pecacanaɔbiwa xua be naewa xua oro nainto peepa canaɔbinexa tomara yawa pecoiboton yawa curara. ¹⁶ Tomara nantiya namɔxɔbɔrɔ jɔpabe xua apiya dena. Barapo matatsunpin epa canaɔbarena barapo tomara dos mil doscientos po kilómetrobe xeina xua apiya dena yawa xua taɔcha xua asiyeicha daxita baxuan nantiya naepa jɔpa. ¹⁷ Bapoxonae epa canaɔba curara mɔxɔbɔrɔ sesenta y cinco po metrobe xeina xua pemɔxɔbɔrɔ xua aitiyɔ. Baxuan matatsunpin exana be jiwi pia pecanaɔbiya coyenewa tatsi.

¹⁸ Curara iboton ɔ xuan pexeinya iboton, xua ira bɔxɔpana iboton xuan jaspe matawɔn. Tomara acaba ɔ xuan pocotsiwan oro matawɔn be xuan peepa nasabiwan. ¹⁹ Po iboton ira weumeina xua doce po ibotonbe, daxita mata pepena xua mata wɔnae exana icha be iboton ichi pocotsi iboton ainya matoman. Po iboto copiya barapo iboto mata pepena xua jaspe iboton matawɔn. Po iboto ichaxota ba “dos”, jei, barapo iboto mata pepena xua zafiro ibo matawɔn. Po iboto ichaxota ba “tres”, jei, barapo iboto mata pepena ágata ibo matawɔn. Po iboto ichaxota ba “cuatro”, jei, barapo iboto mata pepena esmeralda ibo matawɔn. ²⁰ Po iboto ichaxota ba “cinco”, jei, barapo iboto mata pepena ónice ibo matawɔn. Po iboto ichaxota ba “seis”, jei, barapo iboto mata pepena cornalina ibo matawɔn. Po iboto ichaxota

ba “siete”, jei, barapo iboto mata pepena crisólito ibo matawun. Po iboto ichaxota ba “ocho”, jei, barapo iboto mata pepena berilo ibo matawun. Po iboto ichaxota ba “nueve”, jei, barapo iboto mata pepena topacio ibo matawun. Po iboto ichaxota ba “diez”, jei, barapo iboto mata pepena crisoprasa ibo matawun. Po iboto ichaxota ba “once”, jei, barapo iboto mata pepena jacinto ibo matawun. Po iboto ichaxota ba “doce”, jei, barapo iboto mata pepena amatista ibo matawun.

²¹ Barapo doce po boupanbe exana Ɂ xuan be perla matawun xua daxita barompaya peboupan tsiniya. Barapo pepa namto xua tomaratha exana Ɂ pocotsiwa xua xuan be oro nainton xua xuan peepa nasabiwan poxoru xua be pepa oro nainton.

²² Barapo tomaratha jopa taeinyo Nacom pin pia bo tatsi tsipei bara Nacom baxota pepoponaexae po Nacom daxita pia peayapusu itorobi coyenewan xeina. Iruru xua baxota pepoponaexae Cordero daxota jopa nantawenonaeyo Nacom pin pia bo tatsi.

²³ Barapo tomara jopa nantawenonaeyo xometo xua tomara pentha peexanaewa tsane yawano xua jomocoichatono, tsipei Nacom baxota popona peyacoicha jinaexae xua barompaya pia pexeinya pecoichaxae tatsi, xuano iruru xeina Cordero barapo coicha. ²⁴ Pomonae xua bayatha Nacom capanenebiya, barapomonae barapo coichatha ponaena barapo tomaratha po coicha Nacom pia coicha. Daxita pomonae jiwi itorobiya pia pepa peewatsiwichi barapomonae Nacom catsibinchi barapo tomaratha po

coyene xua Nacom w_unae pejainchiwatsi po
 coyene xua tsita exanatsi xua bayatha jiwi
 tsita exana barapomonaetha. ²⁵ Peboupan
 jopa bapana coibo xatababanobi mataqueitha,
 xua baxota jopa ataya tsitecaeya pequirei
 tsaibi tsouneibixae. ²⁶ Daxita nacuanpiwi
 Nacom capona barapo tomaratha xua Nacom
 pecatsibiwa tsainchi pocotsiwan pew_unaewan
 xua be copei. Matautano Nacom catatsi po coyene
 xua Nacom w_unae pejainchiwatsi. ²⁷ Ichitha xua
 xuan peabe coyenein bapana jopa patsi tsane
 barapo tomaratha. Matautano jopa patsi tsane
 baxota pomonae abe peexanaewi irur_u pomonae
 pemuxuitorobiwi. Saya meisa patsina baxota
 pomonae w_un dubena po diborotha ba jiwi
 nacapanenebiya tsaibi poxonaew_un dubeibatsi
 baxota, xua po diboro xeina Cordero.

22

¹ Nexata matatsunpin netsita itata mene,
 po mene xua mene itarana, po mene xua
 jiwi axumeras_u exanatsi, xua icha Nacom
 ichi xua jiwi ajunt_ucoyeneyapus_u exanatsi.
 Barapo mene bichocono mene itarana icha
 bosib_u ichi xua epa nasaba, baxua xua Nacom
 pia pexeinya peecaethopeibiwa werena
 pona, yawano xua Cordero pia pexeinya
 peecaethopeibiwa tatsi werena pona. ² Barapo
 mene, mene ducuaponarena pepa namto dena
 tomaratha. Barapo mene dena nantiya ainya
 muxunene denabe naein xuwa xua po naein jiwi
 ajunt_ucoyeneyapus_u exainchi. Barapo naein
 nacoiteiba doce po cuiyobe xua cae weitha.

Daxita xometontha nawetouneiba. Barapo naein noxuton jiwi yawenatsi xua juntea pejinompaewa xua jopa peatenewa. ³ Barapo tomaratha jopa xeinae tsane xua peabe coyenein. Barapo tomaratha uncuaena Nacom pia pexeinya peecaethopeibiwa tatsi iru baxota uncuaena Cordero pia pexeinya peecaethopeibiwa tatsi. Pomonae Nacom pia petanacuichiwichixaetsi barapo tomaratha barapomonae Nacom wunae jainchinchí. ⁴ Bapoxonae jiwi Nacom itabara taeya cueicueijeí tsainchí. Barapomonae peitapatha cainompaena Nacom pewan tatsi. ⁵ Barapo tomaratha ataya tsitecaeya jopa quirei tsounae tsalbi tsane. Pomonae baxota jinompa jopa nantawenonae tsane pecoicha xua lámpara coicha xuano xua xometo coichano. Daxota jopa nantawenonaeyo tsipei Nacom pon jiwi Pecanamataxeinaein baxota popona, barompaya pia pecoicha peyacoicha jinaexae xua pia pepontha. Iru pomonae baxota jinompa jiwi itorobiya ewatsinchí xua ataya tsitecaeya tsane.

Meje yabara po diwesi xua Jesucristo poxonae patopeicaena xua imoxoyo bara nama

⁶ Bapoxonae equeicha matatsunpin nejei: “Barapo jumein pexainyei jumein. Daxota ichamonae itacupatsi xua tana neyabara jume cowantsiwa xua bara exanaein pocotsiwa xua taneme. Pon jiwi Pecanamataxeinaein bapon Nacom itoroba pia Pejumope tñaxu tatsi xua jiwi peyawenaewa tsainchí xua poxonae jiwi cueicueijeí Nacom nexa. Yawano Nacom itoroba pia matatsunpin xua petsita itatsinexa

pomonaē pia penacajume caitorobi diwesi tatsi petacueicueijeichiwichi xua barapo matatsunpin barapomonaē yabara petsipaebinxatsi po coyene Nacom imoxoyo exanaenaba”, nejei.

⁷ Equeicha matatsunpin nejei xua saya Jesús tapaebatsi, jeye: “¡Bara nama imoxoyo patope-ican! ¡Jantꝯ coyene weiweinaena pon xua exana xuan pocotsiwan Nacom ichichipa xuan pocotsiwan paeba po diborothe!” jei barapo matatsunpin xua Jesús tapaebatsi.

⁸ Xan, pon Juan tsocuaein, tan daxita baxuan yawano jume tan. Poxonaē bayatha jume tan, yawa xua bayatha tan xua pocotsiwan matatsunpin netsita itata, bapoxonaē bapon petaxutha irabe taeuncuarecan xua wꝯnaē tajainchinexa bapon. ⁹ Ichitha bapon nejei: “¡Bara! Jopa baxua neexanaeinde. Apra xan ponxaein taexanaein Nacom piawa tatsi, icha xam ichim yawa icha pomonaē jinya jiwimonaē ichi, pomonaē Nacom peitorobi jume pepaebiwi, irꝯno pomonaē xua jume cowanta dubenanaebiya daxita po coyenein xua po diborothe tinan. Jame Nacom bapon wꝯnaē jainde”, nejei matatsunpin.

¹⁰ Yawano nejei: “Jopa moya yawꝯn xeinaeinde Nacom Pejume Diwesi, xua xuan pocotsiwan paeba po diborothe. Tsipei imoxoyo nama Nacom exanaena xua pocotsiwan po diborothe pepaebixae. ¹¹ Poxonaē cataunxae Nacom jopa wet-siyo, pon xua abe peexanaein, bꝯ moya bara abe exana ducuaanaebiya. Irꝯ pon xua nanthꝯ coyene xeina peacuirucoyenebewan, bꝯ moya bara baxuan nanta xeina ducuaanaebiyaena. Ichitha pon

wunaexana Nacom nexa, bu moya exana ducua-naebiya. Pon xua Nacom petsita naexanaewatsi xua penthathu xeicaein penaexanaewa, bu moya bara Nacom jume cowanta ducua-naebiyatsi”, ne-jei.

¹² Bapoxonae Jesús jeye: “Aa, bara nama imox-oyo patopeicaein. Capatopeicaein pocotsiwan be pentoman, xua caeintha barompaya piawan catsibin. Pon xua nawita inta exana xuya nawita catsin. Pon xua be conotha inta exana xuya be conotha catsin. ¹³ Xan ponxaein apara ataya tsitecaeya tapoponaein xua poxonae aena daxita tamropata pitaban. Matautano bexano daxita coyenein wetsin tsipei ataya tsitecaeya bara tapoponaewa tsane”, jei Jesús.

¹⁴ Juntu coyene weiweinaena pomonae najuntu coyene cui barapenta peabe coyenewan. Baxuan be poxonae barapomonae pia paparuwan matanaca xua jopa tsoreiyo. Bapoxonae barapomonae itacupaeinchi xua jojoniyaena tomara coiboto iya tsipei pia paparuwan inyapana yawauntu coyene wunaexana. Yawa barapomonae itacupaeinchi xua tomaratha iya xaena po pethei pexaewa, po pethei jiwi ajuntucoyenesu exainchi. ¹⁵ Ichitha nama aisowatha xua tomara jumatha umenaena pomonae peajuntucuirucoyenebewi iruru pomonae mara pexeinaewi. Yawano pesatotha umena pomonae penata siwa xeinaewi yabuxitha, iruno pomonae jiwi pejutebiwino, iruno pomonae ibo nacom wunaexana pejainchiwi. Daxitano pomonae becui jichatsi xua naerabiya

pepaebiwi xua naerabiya exanano, barapomonae pesatotha umenaena.

¹⁶ Equeicha Jesús nejei: “Xan, pon Jesús, itoroban tamatatsunpin xua daxita baxuan pepaebinexa pomonaetha pomonae pejume cowantsiwi. Xan bara yatsicaya David pia pemomoxi susato jiwi jiwanapin tatsin, pon David Israel nacuapiwi itorobiya pia pepa peewatsinchi tatsi. Icha be jarawato ichi poto xua bichocono wanae xua poto baya ecoina poxonae icha matacabi patopa, xan barichin. Patopan tacapatopaenexa jiwitha po coyene xua bichocono wanae po coyene xua Nacom tsiexana, xua jiwi tsiexanatsi”, nejei Jesús.

¹⁷ Nacom pia Pejumope tñaxñ tatsi, irñ Cordero pia pecotsiwa tatsi, pomonae Nacom pia pejume cowantsiwichixaetsi, jeye Jesustha: “Anetha”, jei Nacom pia Pejumope tñaxñ tatsi irñ Cordero pia pecotsiwa tatsi. Pomonae xua irññ jume tane, jeye: “Anetha”, jei. “Xan Juan paeban pon xua meratsipa yawa beapaena, moya antha, bñ apa po mera jiwi ajuntayapusñ exainchi xua saya amanaya nexa”, jan.

¹⁸ Daxita pomonae xua jume tane barapo diwesi xua Nacom Pejume Diwesi xua barapo diborothe tinan barapomonae tsipaeban, meje baxue: Icha ichñ mataropeicha paeba icha diwesi xua jopa xainyeyo xua po diwesithe, bapoxonae bapontha Nacom itorobina peabe coyenewan be pocotsi coyene cuirun yabara caunuta po diborothe.

¹⁹ Icha ichñ jiwana jume wexuba xua po diborothe paeba, xuya Nacom pia diborothe wñ xubina, po diborothe jiwi nacapanenebiya tsaibi

poxonae w_un dubeibatsi baxota. Yawano Nacom jopa copatsiyo xua bapon pepatopaewa Nacom pia pepa pexeinya tomaratha tatsi po tomara pena tomara ichaxota jinompa pomonae peantobewichi Nacom. Barapo pecapanenebiya coyenewa ir_u barapo tomarano barapo diborothe yabara tina.

²⁰ Jesús pon pia matatsunpin peitorobixae xua barapo matatsunpin yabara tana netsipaebiwa pocotsiwa xua bexa exanaena, bapon nejei: “Aa, bara nama imoxoyo patopeicaein”, jei.

Je, moya anetha patopeinca xam, Jesús, ponx-aem Tanecanamataxeinaem, jan.

²¹ Jesucristo, pon jiwi Pecanamataxeinaein, barab_u paca yawenaena pia painya nepaca caantobexae daxita paxam. Je bara ichi tsane.

Baja Juan.

**Nacom Pejume Diwesi po diwesi pena jume
diwesi xua Jesucristo yabara tinatsi
New Testament in Cuiba**

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cuiba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 29 Jan 2022
e9c4c3a0-6dec-54a4-aaba-fb395e5eddc7